
TURIRIMBIRE
YEHOVA
TWISHIMYE

AMAGAMBO GUSA

TURIRIMBIRE YEHOVA TWISHIMYE

—1 IBYO KU NGOMA 15:16

AMAGAMBO GUSA

Amazina

Itorero

Iyi mfashanyigisho ntigomba kugurishwa. Ni imwe mu bikoreshwa mu murimo ukorerwa ku isi hose wo kwigisha Bibiliya, ushyigikirwa n’impano zitangwa ku bushake.

Niba wifuza gutanga impano, jya ku rubuga rwa www.jw.org.

Turimbire Yehova twishimye—Amagambo gusa

Yacapwe muri Gashyantare 2017

Kinyarwanda (*sijyIs-YW*)

© 2017

Watch Tower Bible and Tract Society of Pennsylvania

Abanditsi

Printed by Watch Tower Bible and Tract Society of South Africa NPC

1 Robert Broom Drive East, Rangeview, Krugersdorp, 1739, R.S.A.

Made in the Republic of South Africa

Yacapiwe muri Repubulika ya Afurika y’Epfo



sijyIs-YW
17/1206

Irangiro

<i>Yehova</i>	1-12
<i>Yesu/Incungu</i>	13-20
<i>Ubwami</i>	21-24
<i>Abasutsweho umwuka n'abagize</i>	
<i>izindi ntama</i>	25-27
<i>Imishyikirano dufitanye na Yehova</i>	28-40
<i>Isengesho</i>	41-47
<i>Kwiyegurira Yehova</i>	48-52
<i>Kubwiriza</i>	53-84
<i>Amateraniro</i>	85-93
<i>Ibyanditswe</i>	94-98
<i>Umuryango wacu w'abavandimwe</i>	99-103
<i>Imico y'Imana</i>	104-130
<i>Umuryango/Incuti</i>	131-138
<i>Ibyiringiro byacu</i>	139-147
<i>Gucungurwa/Umuzuko</i>	148-151

1

Imico ya Yehova

(Ibyahishuwe 4:11)

1. Yehova, Mana Isumbabyose,
Wowe Muremyi w'ibiriho byose,
Waremye ijuru n'isi yose,
Mana yacu urahebuje.
2. Utegekesha ubutabera,
Utumenyesha ibyo udusaba.
Ijambo ryawe riradufasha
Tukabona ubwenge bwawe.
3. Yehova Mana uradukunda,
Ibyo uduha biradushimisha.
Tuzavuga iby'izina ryawe
N'imico yawe ihebuje.

2

Yehova ni ryo zina ryawe

(Zaburi 83:18)

1. Wowe Mana nzima

Wowe waremye byose
Kuva na kera kose
Ni wowe Yehova.
Rwose twishimira
Kuba turi abawe.
Tuzamenyesha bose,
Iryo kuzo ryawe.

(INYIKIRIZO)

*Yehova, Yehova,
Ni wowe wenyine,
Nta yindi Mana muhwanye.
Ni wowe wenyine.
Uri Ishoborabyose,
Bose babimenye.
Yehova, Yehova,
Ni wowe Mana iteka.*

2. Ni wowe utuma
Duhinduka tukaba
Icyo ushaka cyose
Ni wowe Yehova.
Ku bw'ineza yawe
Watwise Abahamya.
Twaheshejwe ishema
No kukwitirirwa.

(Inyikirizo)

3 *Turakwiringira kandi turakwizera* (Imigani 14:26)

1. Yehova Mana idukunda turakwiringira.
Ibyiringiro uduha tuzabitangaza.
Ariko imihangayiko idutera ubwoba,
Ibyo byiringiro byacu bigahungabana.

(INYIKIRIZO)

*Turakwiringira, turakwizera,
Nta n'icyo twakuburanye.
Iyo tubwiriza tuba twizeye
Ko utadutererana.*

2. Yehova Mana udufashe ntitukibagirwe
Ko uhora hafi yacu mu bibazo byacu.
Ibyo ni byo bidukomeza bikadufasha cyane,
Tukabona imbaraga zo kugusingiza.

(Inyikirizo)

4 “Yehova ni Umwungeri wanjye”

(Zaburi ya 23)

1. Yehova Mwungeri wanjye,
Ni wowe unyobora.
Uzi ibyo nifuzaga byose,
Uzi ibyo nkeneye.
Unjyana mu rwuri rwiza,
Rutuje rutekanye.
Unanyoborana urukundo
Nkagira amahoro.
Unyoborana urukundo
Nkagira amahoro.
2. Inzira zawe ni nziza,
Zirankiranuka.
Ntundeke ku bw'izina ryawe,
Mpore ndi uwizerwa.
N'iyi ngeze mu makuba
Uranampumuriza.
Nta na rimwe njya ntinya ikibi,
Kuko nakwiringiye.
Nta na rimwe ntinya ikibi,
Kuko nakwiringiye.

3. Yehova, Mwungeri wanjye,
Ni wowe unyobora.
Umpa imbaraga n'ituze,
Umpa ibyo nkeneye.
Wowe Mana ihoraho,
Nzahora nkwiringira.
Urukundo n'ineza ugira
Bizahorana nanjye.
Urukundo n'ineza byawe
Bizahorana nanjye.

5

Imirimo itangaje y'Imana

(Zaburi ya 139)

1. Mana, uzi ibyanjye neza,
Igihe ndyamye n'igihe mbyutse.
Ugenzura ibindi mu mutima,
Ibyo mvuga n'uko ngenda urabizi.

Wambonye nkiri urusoro,
Wanabonye amagufwa yanjye.
Ndetse ishusho yanjye yaranditswe.
Nzavuga inzira zawe zitangaje.

Ubumenyi bwawe buratangaje;
Ubugingo bwanjye burabizi.
Ni yo nabundikirwa n'umwijima,
Yehova nzi neza ko wambona.

Ni he nakwihisha Yehova,
Nahungira amaso yawe he?
Si mu kirere cyangwa ikuzimu,
Si mu mwijima, si no munsu y'inyanja.

6 *Ijuru ritangaza icyubahiro cy'Imana* (Zaburi ya 19)

1. Isanzure risingiza Yehova.
Ryerekana neza icyubahiro cye.
Rimusingiza uko bukeye
Kandi rikagaragaza ubwenge bwe bwinshi.
2. Tuyoborwa n'amategeko ya Yah,
Ibyo atwibutsa biradukomeza.
Ubwami bwe burakiranuka.
Twishimira Ijambo rye, riraturyohera.
3. Kumutinya birakwiriye rwose.
Amategeko ye ni yo meza cyane,
Tuyoborwa n'amabwiriza ye.
Tuzahora dusingiza izina rye ryera.

7

Yehova ni imbaraga zacu

(Yesaya 12:2)

1. Yehova wowe mbaraga zacu,
Mukiza wacu, tukwishimire.
Tubwiriza ubutumwa bwawe,
Abantu bakumva, batakumva.

(INYIKIRIZO)

*Rutare rwacu, mbaraga zacu,
Izina ryawe risingizwe.
Yah Yehova, Ushoborabyose,
Gihome cyacu duhungiramo.*

2. Twe twishimira umucyo wawe;
Amaso yacu yarahumutse.
Tubona ukuri mu Byanditswe.
Dushyigikiye Ubwami bwawe.

(Inyikirizo)

3. Mana, tugukorera twishimye,
Nubwo Satani adutoteza.
Mana ukomeze kudufasha
Ngo tuzakomeze gushikama.

(Inyikirizo)

8 *Yehova ni ubuhungiro bwacu* (Zaburi ya 91)

1. Yah buhungiro bwacu,
Ni we twiringira.
Ni we bwugamo bwacu;
Tugumane na we.
Kuko azaturengera,
Turindwa n'imbaraga ze.
Ni we gihome cyacu,
Kandi ni indahemuka.
2. Ibihumbi nibigwa
Iruhande rwacu,
Abicisha bugufi
Nta cyo tuzikanga.
Ntituzagira ubwoba,
Nk'abahuye n'amakuba.
Turindwa na Yehova,
Tugume mu mababa ye.
3. Tuzarindwa n'Imana
Mu rugendo rwacu,
Nta kizaduhutaza
Ngo duhungabane.
Nta cyo tuzatinya na mba;
Nta n'ahantu tuzatinya.
Yah buhungiro bwacu
Ukomeze kuturinda.

9

Yehova ni Umwami wacu!

(Zaburi 97:1)

1. Mwese musingize Yehova,
Gukiranuka kwe kwaratangajwe.
Tumuririmbire tunamusingize,
Dutangaze ibikorwa bye.

(INYIKIRIZO)

*Isi ninezerwe, n'ijuru ryishime,
Yehova yabaye Umwami!
Isi ninezerwe, n'ijuru ryishime,
Yehova yabaye Umwami!*

2. Nimutangaze ikuzo rye,
Kuko azarokora ubwoko bwe.
Yehova Umwami nasingizwe cyane.
Tujye twunama imbere ye.

(Inyikirizo)

3. Ubwami bwe burategeka,
Buyobowe n'Umwana we yimitse.
Imana z'iyi si zikorwe n'isoni.
Nihasingizwe Yah wenyine.

(Inyikirizo)

10 *Dusingize Yehova Imana yacu!* (Zaburi 145:12)

1. Dushime Yehova Data!
Dutangaze izina rye!
Dutange umuburo we,
Umunsi we uri bugufi.
Yah yavuze ko ubu ari bwo
Umwana agomba kwima.
Dutangaze hose imigisha
Tuzahabwa na Yehova!

(INYIKIRIZO)

*Dushime Yehova Data!
Dutangaze ko akomeye!*

2. Dushime Yehova Data!
Dusingize izina rye!
Tuvuge ikuzo rya Yah
N’umutima unezerewe.
Imana yacu irakomeye,
Nyamara ikatwitaho.
Data azi ibyo dukeneye,
Tumusabe azatwumva.

(Inyikirizo)

11 *Ibyaremwe bisingiza Imana*

(Zaburi ya 19)

1. Ibyo waremye Mana ni byinshi,
Bivuga icyubahiro cyawe.
Bibikora nta jambo bivuze,
Bitangaza ubutumwa hose.
Bibikora nta jambo bivuze,
Bitangaza ubutumwa hose.
2. Kugutinya bihuje n'ubwenge,
Biturinda gukora ibibi.
Bibiliya iratuyobora;
Ubutunzi burimo ni bwinshi.
Bibiliya iratuyobora;
Ubutunzi burimo ni bwinshi.
3. Kukumenya ni byo biturinda
Maze twese tukabaho neza.
Nitwubahisha izina ryawe
Uzaduha imigisha myinshi.
Nitwubahisha izina ryawe
Uzaduha imigisha myinshi.

1. Mana Yehova, urakomeye,
Ukwiriye ikuzo, uranakiranuka.
Imico yawe irahebuje;
Uhoraho iteka.
2. Mana ugira impuhwe nyinshi.
Utwitaho, ukumva amasengesho yacu.
Uratwigisha, ukadufasha,
Utwitaho iteka.
3. Isi n'ijuru biguhimbaze.
Turishima iteka, iyo tugusingiza.
Mana Yehova, urakomeye.
Singizwa Mana yacu.

13 *Kristo ni we cyitegererezo cyacu*

(1 Petero 2:21)

1. Shimira Yehova ku bw'urukundo rwe,
Kuko yatanze Umwana we Kristo.
Na we yaremeye abana n'abantu.
Yubahishije izina rya Se.
2. Kristo yakundaga Ijambo ry'Imana.
Ni ryo ryatumye agira ubwenge.
Yumviye Yehova, aramukorera.
Yashimishaga Se muri byose.
3. Twifuza kwigana Yesu muri byose,
Tukubahisha Umuremyi wacu.
Tujye tumwigana mu buzima bwacu,
Maze twemerwe n'Imana yacu.

14 *Dusingize Umwami mushya w'isi* (Zaburi 2:12)

1. Abantu batabarika
Bateraniye hamwe.
Bakorakoranyijwe na Kristo
N'itorero rye.
Ubwami bwa Yah bwimitswe;
Buzategeka iyi isi.
Maze tubone ihumure,
N'ibyishimo bidashira.

(INYIKIRIZO)

*Singiza Yehova; singiza na Kristo,
We mutware n'Umwami wacu.
Tuzamwumvira iteka ryose,
Tumusingize twese.*

2. Nidusingize Umwami wacu
Kristo wimitswe.
Uwo Mwami w'amahoro
Azadukiza rwose.
Tuzagira ibyishimo,
Ntituzagira ubwoba,
Kandi mu gihe cy'umuzuko
Tuzasabwa n'ibyishimo!

(Inyikirizo)

15

Nimusingize Umwana w'Imfura wa Yehova! (Abaheburayo 1:6)

1. Mwese musingize

Uwashyizweho na Yah.
Ayoboye Ubwami
Butanga imigisha.
Kuko akiranuka
Azarwanirira
Izina rya Yehova
N'ubutegetsu bwe.

(INYIKIRIZO)

*Mwese musingize
Uwimitswe n'Imana.
Yashyizwe i Siyoni,
Ubu arategeka!*

2. Mwese musingize

Kristo wadupfiriye,
We watanze incungu
Kugira ngo tubeho.
Umugeni wa Kristo
Yambaye ibyera.
Ubukwe bwe na Kristo
Buzubahisha Yah.

(Inyikirizo)

16 *Yehova yasutse umwuka ku Mwana we* (Ibyahishuwe 21:2)

1. Yah yatoranyije Yesu
Ngo ategeke byose.
Ni Umwami ukiranuka,
Uzategeka iyi si.

(INYIKIRIZO)

*Yehova yahisemo Yesu,
Amusukaho umwuka.
Twe tuzamubera abizerwa
Tube n'indahemuka.
Yehova yahisemo Yesu,
Amugabira Ubwami,
Kugira ngo aheshe ikuzo
Izina ryera rya Se.*

2. Abavandimwe ba Kristo,
Bavutse bundi bushya.
Bazategekana na Yesu
Isi ibe Paradizo.

(Inyikirizo)

17

Yesu yakundaga abantu

(Luka 5:13)

1. Kristo Umwana w'Imana
Yarangwaga n'urukundo.
Yitaga ku bantu mu bikorwa bye.
Yakunze abantu bose.
Yitaga ku boroheje,
Agakiza n'abarwayi.
Yasohozaga inshingano ye
Akabikora yishimye.
2. Twigana urugero rwe
Mu bikorwa byacu byose.
Dukunda abandi tukabitaho,
Tukabigisha kumvira.
Dufasha incuti zacu
Mu magambo n'ibikorwa.
Twite ku mfubyi n'abapfakazi,
Tunabikore twishimye.

18 *Turagushimira ku bw'incungu*

(Luka 22:20)

1. Yehova ubu turi imbere yawe.
Urukundo wadukunze rurahebuje.
Watanze Umwana wawe ngo tubeho.
Nta cyaruta igitambo wadutangiyeye.

(INYIKIRIZO)

*Yatanze ubuzima bwe.
Amena amaraso ye.
Mana tugushima
Tubikuye ku mutima.*

2. Yesu yaritanze araducungura.
Yaradukunze atanga ubuzima bwe.
Ni we waduhesheje ibyiringiro.
Twiringiye kuzabaho,
Hehe n'urupfu!

(Inyikirizo)

*Ifunguro ry'Umwami
rya nimugoroba*
(Matayo 26:26-30)

1. Yehova, Data uhoraho,
Uyu muni utwibutsa
Urukundo rukomeye wadukunze
N'indi mico yawe myiza.
Umwana wawe w'ikinege
Yatanze ubuzima bwe.
Amaraso ya Yesu yaramenetse
Bisohozwa ubuhanuzi.
2. Waducunguje amaraso
Y'agaciro kenshi cyane.
Uwo mwana wawe yaradupfiriye
Ngo tubone ubuzima.
Twizihiza uyu muhango
Kubera ko utwibutsa
Ukuntu igitambo cy'Umwana wawe
Cyatumye dukizwa urupfu.

3. Twahuriye imbere yawe.
Twemeye ubutumire
Ngo tugusingize kuko udukunda,
Tunaguheshe ishema.
Tuje kugushimira cyane
Kuko watanze incungu.
Tugume mu nzira tweretswe na Kristo,
Maze tuzabeho iteka.

20 *Watanze Umwana wawe ukunda* (1 Yohana 4:9)

1. Yehova dukunda,
Twari twarihebye,
Incungu iduha ibyiringiro.
Twaritanze twese
Ngo tugukorere.
Tubwira abandi
Ubutumwa bwiza.

(INYIKIRIZO)

*Waraducunguye,
Tuzagusingiza,
Tunakuririmbire,
Kuko watanze incungu.*

2. Impuhwe ugira
Ntizirondoreka.
Yehova dukunda
Izina ryawe.
Ikiruta byose,
Ni umwana wawe
Watanzwe ku bwacu
Ngo tubeho neza.

(Inyikirizo)

(UMUSOZO)

Yehova dukunda turagushimira,
Kubera ko waduhaye Umwana wawe.

*Komezwa gushaka
mbere na mbere Ubwami*
(Matayo 6:33)

1. Ikintu cy'ingenzi cyane
Kinezeza Yehova,
Ni Ubwami bwa Mesiya
Buzatunganya byose.

(INYIKIRIZO)

*Banza ushake Ubwami,
Shaka gukiranuka.
Jya ukorera Yehova
Uri indahemuka.*

2. Ntitugatinye iby'ejo,
Iby'inzara n'inyota.
Imana izatwitaho
Nidushaka Ubwami.

(Inyikirizo)

3. Tangaza Ubwami bwa Yah;
Fasha abakwiriye
Ngo biringire Imana
N'ubutegetsu bwayo.

(Inyikirizo)

Ubwami burategeka *—Nibuze!*

(Ibyahishuwe 11:15; 12:10)

1. Mana kera wahozeho,
Uzanahoraho.
Wimitse Umwana wawe;
Umwishyiriraho.
Ubwami burategeka;
Kandi buzakwira isi.

(INYIKIRIZO)

Ubu habonetse

Agakiza n’ububasha.

Ubwami bwavutse.

Rwose “nibuze, nibuze.”

2. Satani azarimbuka;
Bizadushimisha.
Iyi minsi y’imperuka,
Igiye kuvaho.
Ubwami burategeka;
Kandi buzakwira isi.

(Inyikirizo)

3. Bamarayika mwishime
Muririmbe cyane.
Ijuru nirinezerwe
Rikize Satani.
Ubwami burategeka;
Kandi buzakwira isi.

(Inyikirizo)

1. Ubwami bwa Yehova
Buyobowe na Kristo.
Ubu ategeka i Siyoni.
Turangurure ijwi,
Dusingize Yehova.
Kristo yashyizwe
ku ntebe ye y'Ubwami.

(INYIKIRIZO)

Ni 'ki Ubwami buzazana?

Gukiranuka n'ukuri.

Ni 'ki se kindi buzazana?

Ni ubuzima bw'iteka.

Nimusingize Yehova

Kuko adahemuka.

2. Kristo arategeka
Imperuka iraje,
Isi ya Satani izavaho.
Ubu turabwiriza,
Dushakisha abantu,
Abiyoroshya
bagasanga Yehova.

(Inyikirizo)

3. Umwami utegeka

Tumwishimire rwose.

Yaje atumwe na Se Yehova.

Mujye mu rusengero

Mushimire Yehova.

Yesu azategeka ibintu byose.

(Inyikirizo)

24 *Tujye ku musozi wa Yehova*

(Yesaya 2:2-4)

1. Dore umusozi

Usumba indi yose.

Ni wo musozi wa Yah

Washyizwe hejuru.

Abantu baraza,

Bavuye kure cyane.

Bose barabwirana,

Bati “mwese muze.”

Igihe kiraje,

Umuto akaba ishyanga.

Uko twiyongera,

Yehova araturyobora.

Abamuyoboka

Bariyongera cyane

Kandi bahigiye

Kutava aho ari.

2. Yesu yategetse

Ko tujya kubwiriza,
Bose bakagezwaho
Ubutumwa bwiza.

Kristo ni Umwami,
Tujye ku ruhande rwe.
Twumve ijwi rya Yesu,
Tubone inzira.

Dushimishwa n'uko
Abumva biyongera cyane!
Twese tubafashe
Ngo na bo bamenye Yehova.

Niturangurure
Maze bose batwumve,
Baze ku musozi we,
Bahabe iteka.

1. Abo bana b’Imana
Ni icyaremwe gishya.
Yabakuye mu bantu,
Irabatoranya.

(INYIKIRIZO)

*Ni aba Yehova,
Ni na we bitirirwa.
Baramusingiza,
Bagatangaza ikuzo rye.*

2. Ni ishyanga rye ryera.
Babwiriza ukuri.
Bavuye mu mwijima,
Bagera mu mucyo.

(Inyikirizo)

3. Barabwiriza cyane,
Bashaka intama ze.
Bumvira Yesu Kristo,
Umwana w’intama.

(Inyikirizo)

1. Umwami afite n'izindi ntama ze
Zifasha abasutsweho umwuka.
Ibintu byose dukora tubafasha,
Yesu Kristo azabiduhembera.

(INYIKIRIZO)

*“Mwarakoze kuko mwabitayeho.
Ibyo byose ni jye mwabikoreye.
Mwabakoreye ibikorwa byiza.
Burya ni jye mwabikoreraga.
Ibyo byose ni jye mwabikoreye.”*

2. “Mwamfashije nshonje, inyota yanyishe.
Nta kintu na kimwe nababuranye.”
Bamubaze bati “twabikoze ryari?”
Umwami azabasubiza ati

(Inyikirizo)

3. “Mwangeragarije ubudahemuka,
Mubwiriza mufatanyije na bo.”
Yesu azabwira izo ntama ati
“Muragwe isi n'ubuzima bwiza.”

(Inyikirizo)

27 *Guhishurwa kw'abana b'Imana* (Abaroma 8:19)

1. Yehova azahishura
Abatoranyijwe,
Bategekane na Kristo
Mu Bwami bw'ijuru.

(INYIKIRIZO)

*Bari hafi guhishurwa
Bimane na Kristo.
Bazarwana intambara,
Batsinde burundu.*

2. Vuba 'ha abasigaye
Bazahamagarwa.
Umwami azabajyana
Bahabwe Ubwami.

(Inyikirizo)

3. Bazarwana intambara
Ya nyuma, batsinde.
Mu bukwe bwabo na Kristo
Bazishima cyane.

(Inyikirizo)

28

Tube incuti za Yehova

(Zaburi ya 15)

1. Ni nde ncuti yawe,
Izaba iwawe?
Ni nde ukunda, wiringira,
Wakumenya neza?
Ni abashikama
Mu byo ubigisha.
Ni abantu b'indahemuka,
Bakunda ukuri.
2. Ni nde ncuti yawe,
Yaba hafi yawe?
Ni nde ugushimisha cyane?
Uwo uzi ni nde?
Ni abakubaha
Bakanakumvira.
Ni abantu bizerwa bose,
Bavuga ukuri.
3. Mana yacu reba
Mu mitima yacu,
Twunge ubumwe, dukundane.
Twumve utwiteho.
Turifuza rwose
Kuba hafi yawe.
Rwose nta ncuti ikuruta
Twakwishyikiraho.

29 *Tubeho duhuje n'izina ryacu*

(Yesaya 43:10-12)

1. Yehova Mana ushobora byose,
Urakiranuka bihebuje.
Uri isoko y'ukuri n'ubwenge,
Ni wowe Mwami usumba byose.
Twishimira cyane kugukorera;
Dutangaza iby'Ubwami bwawe.

(INYIKIRIZO)

*Twishimira ko turi Abahamya.
Tubeho duhuje n'iryo zina!*

2. Gukora umurimo wawe wera
Bituma tubana mu mahoro.
Kwigisha ukuri kw'Ijambo ryawe
Biratunezeza bihebuje.
Data, twitirirwa izina ryawe;
Tuzatangaza ikuzo ryawe.

(Inyikirizo)

30 *Data, Mana yanjye, ncuti yanjye* (Abaheburayo 6:10)

1. Kubaho biragoye.

Byuzuyemo imibabaro.

Ariko nibuka ko mfite agaciro.

(INYIKIRIZO)

Mana, ntukiranirwa,

Wibuka uko nagukunze.

Undi hafi iteka;

Yehova ndi kumwe nawe.

Yehova ni we Mana imfasha

kandi ikandinda.

Mana yanjye, ncuti yanjye, uri Data.

2. Ngeze mu za bukuru.

Ngeze mu minsi y'amakuba.

Icyakora ndizera, sinziheba rwose.

(Inyikirizo)

1. Tugendane na Yehova
Turi indahemuka.
Dukomeze kuba abizerwa
Tubone imbaraga.
Tuyoborwe na Bibiliya
Tudatandukira.
Nidukomeza kumvira
Yah azatuyobora.
2. Tugendane na Yehova,
Duhore tumwumvira.
Niduhura n'ibigeragezo
Azaduhumuriza.
Nitwita ku bishimwa byose
N'iby'ukuri byose,
Tukabitekerezaho,
Azajya adufasha.
3. Tugendane na Yehova,
Ni we ncuti nyancuti.
Tumushimire impano zose
N'imigisha aduha.
Tuzagendana na Yehova
Duhore twishimye.
N'abandi bazibonera
Ko twamwiyeguriye.

1. Twari twaraheze mu rujijo
Twiga ibinyoma by'amadini.
Mbega ukuntu twishimye cyane
Tucyumva iby'Ubwami.

(INYIKIRIZO)

Korera Yehova; umwishimire.

Ntazakwibagirwa; gendana na we.

Bwiriza ukuri udacogora.

Ubwami bwa Yesu burategeka.

2. Dukorera Yehova twishimye
Tukabwiriza abantu bose.
Tubafashe guhitamo neza
Bakorere Yehova.

(Inyikirizo)

3. Twitinya ibitero by'Umwanzi.
Twiringire Umuremyi wacu.
Nubwo dufite abanzi benshi,
Ni we mbaraga zacu.

(Inyikirizo)

33 *Ikoreze Yehova umutwaro wawe*

(Zaburi ya 55)

1. Umva isengesho ryanjye.
Yehova, ntunyihishe.
Umva agahinda kanjye
Ungirire impuhwe.

(INYIKIRIZO)

*Muhe umutwaro wawe;
Na we azagufasha rwose.
Yehova azakurinda,
Ntazagutererana.*

2. Iyo ngira amababa,
Mba ngurutse nkagenda,
Ngahunga abanzi banjye,
Nkikinga urugomo.

(Inyikirizo)

3. Yehova umpumurize
Nibere mu mahoro.
Mfasha umutwaro wanjye
Kuko ugira neza.

(Inyikirizo)

34 *Tugendere mu nzira itunganye*

(Zaburi ya 26)

1. Mwami wanjye ncira urubanza,
Urebe ko nkora ibigushimisha.
Ungenzure, unangerageze
Kandi untunganye umpe umugisha.

(INYIKIRIZO)

*Jye ubwanjye niyemeje rwose
Gukomeza kuba umukiranutsi.*

2. Sinicara mu banyabinyoma.
Nanga kugendana n'abanga ukuri.
Ntandukanya n'abo banyabyaha,
Bahora bashaka gukora ibibi.

(Inyikirizo)

3. Nkunda cyane inzu utuyemo.
Ni wowe wenyine nsenga buri muni,
Ngushimira ibyo wankoreye,
Kandi nzamamaza imirimo yawe.

(Inyikirizo)

*‘Tumenye neza
ibintu by’ingenzi kurusha ibindi’
(Abafilipi 1:10)*

1. Tugire ubushishozi cyane,
Tumenye iby’ukuri,
Tunamenye ibintu by’ingenzi;
Tumenye ibya ngombwa.

(INYIKIRIZO)

Dushimishe Yah Yehova

Twang’ ibibi.

Rwose tuzabona imigisha

Nitumenya

Iby’ingenzi tukabikora.

2. Ese hari ikintu cy’ingenzi
Cyaruta kubwiriza,
Dushaka abifuza ukuri
Ngo bamenye Yehova?

(Inyikirizo)

3. Twite ku bintu by’ingenzi cyane,
Tuzanyurwa by’ukuri.
Tuzagira amahoro menshi,
Tugire ibyishimo.

(Inyikirizo)

36

Rinda umutima wawe

(Imigani 4:23)

1. Rinda umutima wawe;
Jya wanga icyaha.
Yah areba mu mutima,
Umuntu w'imbere.
Umutima urabeshya,
Wayobya umuntu.
Jya ukoresha ubwenge;
Gendana n'Imana.

2. Ujye ushaka Imana
Uyisenga cyane.
Jya uyishimira kenshi;
Kuko ikwitaho.
Ujye wumvira Yehova
Wige Ijambo rye.
Ujye uba uwizerwa,
Unamushimishe.

3. Rinda umutima wawe;
Gundira ukuri.
Reka Ijambo ry'Imana
Ribe ku mutima.
Urukundo rwa Yehova
Ruragukomeza.
Umusengane umwete,
Ube incuti ye.

1. Mana, Mutegetsu wacu,
 Ndagukunda nkanakumvira.
 Ni wowe niyeguriye;
 Nzagukorera buri muni.
 Nzahora nkumvira iteka.
 Nkunda ibyo utwibutsa.

(INYIKIRIZO)

*Mana, birakwiriye ko
 Nkwiye gurira ntizigamye.*

2. Yehova ibyo waremye
 Biguhesha ikuzo byose.
 Nanjye nzaba uwizerwa
 Namamaze izina ryawe.
 Nzakomeza kugukorera
 Nkubere indahemuka.

(Inyikirizo)

1. Imana yatumye umenya ukuri,
Ikuvana mu mwijima mwinshi.
Yabonye cya cyifuzo wari ufite
Cyo kuyishaka utizigamye.
Wemeye ko uzayikorera;
Na yo izahora igufasha.

(INYIKIRIZO)

*Ubu uri uwayo kuko yakuguze.
Izagukomeza maze ushikame.
Izajya ikuyobora inakurinde.
Izagukomeza maze ushikame.*

2. Umwana w’Imana yatanzwe ku bwawe,
Kuko ikwifuriza ibyiza.
Ko yemeye gutanga Umwana wayo,
Yabuzwa n’iki kugukomeza!
Izibuka ukwizera kwawe;
Ntizareka kukwitaho rwose.

(Inyikirizo)

39 *Twiheshe izina ryiza ku Mana* (Umubwiriza 7:1)

1. Igihe cyose tuzagandukira
Imana yacu kandi tuyumvire.
Tujye twihatira gukora ibyiza,
Tuzashimisha Yah Yehova.
2. Gukundwa n'isi nta kintu bimaze
Kimwe no kuba ikirangirire.
Ibyo ni ubusa. Nituba ab'isi,
Ntituzemerwa na Yehova.
3. Yehova Mana ntuzatwibagirwe,
Uzatwandike mu gitabo cyawe.
Tuzakwiringira tukuvuganire,
Uzakomeze kutwibuka.

1. Uri uwa nde se?
Ni nde uzakorera?
Kuko imana wunamira
Ari na yo ukorera.
Uzakorera nde
Ngo umwiyegurire?
Nutegura umutima wawe
Uzahitamo neza.
2. Uri uwa nde se?
Ni nde uzakorera?
Hari imana y'ikinyoma
Ndetse n'Imana y'ukuri.
Ese Kayisari
Ni we ushyigikiye,
Cyangwa Imana imwe y'ukuri
Ni yo uzakorera?
3. Ese ndi uwa nde?
Ni Yehova nzumvira.
Nzamukorera ntizigamye;
Nzajya mwumvira iteka.
Yantanzeho byinshi;
Naramwiyeguriye.
Nzamukorera iteka ryose;
Nzahora musingiza.

1. Nyagasani Yehova nyumva.
Mana yanjye niyeguriye;
Ndakwinginze ntega amatwi.

(INYIKIRIZO)

Yehova Mana, rwose nyumva.

2. Urakoze ku bw'uyu muni,
Wowe nkesha ubu buzima.
Nishimira ko unyitaho.

(Inyikirizo)

3. Nzajya nkora ibyo ushaka.
Mwami mfasha nkore ibyiza.
Unkomeze, ne gucogora.

(Inyikirizo)

42 *Isengesho ry'umugaragu w'Imana* (Abefeso 6:18)

1. Mana yanjye wowe waturemye,
Izina ryawe rihabwe ikuzo,
Ibyo ushaka byose bibe.
Mana, Ubwami bwawe nibuze,
Nk'uko wabitegetse,
Tubone imigisha.
2. Mana yacu turagushimira.
Imigisha tugukeshya ni myinshi.
Ni wowe soko y'ubuzima;
Uduha ubwenge n'ubumenyi.
Turabigushimira,
Tukanagusingiza.
3. Iyo turi mu bibazo byinshi,
Mana ni wowe uduhumuriza.
Data turagutakambiye
Duhe imbaraga twihangane,
Duhore tukumvira,
Maze tugushimishe.

1. Yehova Mana turagushimira,
Data, akira ishimwe ryacu.
Twifuza kugukorera iteka,
Tuzi neza yuko utwitaho.
Dukora ibyaha ntidutunganye,
Turakwinginze tubabarire.
Tugushimiye ko waducunguye,
Kuko uzi intege nke zacu.
2. Turagushimira ko udukunda.
Kuba incuti zawe ni byiza.
Uzajye udufasha tukumenye.
Twifuza kuba indahemuka.
Twishimira imbaraga uduha,
Ngo tubashe kukuvuganira.
Twifuza kugukorera twishimye.
Tuzi ko wita ku boroheje.

1. Mana ndakwinginze umva isengesho ryanjye.
Ndarushye, umutwaro wanjye urananiye,
Kuko nanijwe no guhora ntenguhwa kenshi.
Mana nyir'ihumure, ndakwinginze ntabara.

(INYIKIRIZO)

Yehova mpa kwihangana.

Unkomeze ne kwiheba.

Ndagusabye untabare.

Nsubizamo imbaraga.

2. Mpumurizwa n'ljambo ryawe, rirankomeza.
Simbasha kuvuga, reba mu mutima wanjye,
Umpe kugira ukwizera n'ibyiringiro
Kandi mfasha kumenya iby'urukundo rwawe.

(Inyikirizo)

45 *Ibyo umutima wanjye utekereza* (Zaburi 19:14)

1. Ibyo mu mutima wanjye,
Ibyo mpora ntekereza,
Mwami nibigushimishe,
Njye nguma mu nzira yawe.
Nintagoheka nijoro,
Hari ibindemereye,
Nzajya nibwira ibyawo,
Bihora bikiranuka.
2. Ibintu by'ukuri byose
Ibikorwa byiza byose,
N'ibivugwa neza byose,
Ni byo bimpa amahoro.
Nkunda ibyo utwigisha,
Mbiha agaciro kenshi.
Nzajya mbitekerezaho,
Mbihorane ku mutima.

46

Warakoze Yehova

(1 Abatesalonike 5:18)

1. Warakoze Yehova Mana yacu,
Umurikira inzira zacu.
Warakoze kumva amasengesho
Tugusenga tukwisanzuyeho.
2. Warakoze kuduha Yesu Kristo
Waducunguye akadukiza.
Warakoze kuba utuyobora,
Tugakora ibigushimisha.
3. Warakoze kuduha umurimo
Wo kwamamaza izina ryawe.
Tugushimiye imigisha myinshi
Tuzazanirwa n'Ubwami bwawe.

47 *Dusenge Yehova buri munsi* (1 Abatesalonike 5:17)

1. Dusenge Yehova aratumva
Kuko twitirirwa izina rye.
Tumwugururire umutima,
Tujye tumwishingikirizaho.
Dusenge buri munsi.
2. Dusenge Yehova dushimira.
Tujye tumusaba imbabazi.
Tujye tumwaturira ibyaha,
Azi ko tugira intege nke.
Dusenge buri munsi.
3. Dusenge Yehova mu makuba,
Ni umubyeyi utuba hafi.
Tujye tumusaba adufashe.
Tujye duhora tumwiringira.
Dusenge buri munsi.

48 *Tugendane na Yehova buri munsu* (Mika 6:8)

1. Tugendane na Yehova,
Twicishije bugufi cyane.
Atugirira ubuntu
Twebwe twese abamwumvira.
Yehova aba yifuza
Ko twagendana na we.
Bityo tumwiyegurire
Kandi tugendane na we.
2. Satani araturwanya
Muri iyi minsi ya nyuma.
Duhura n'ibitotezo
Byadutandukanya n'Imana.
Twe tuzarindwa n'Imana.
Twifuza kuyegera
Ngo tujye tuyikorera,
Kandi tuyikunde cyane.
3. Yehova aradufasha
Binyuze ku mwuka we wera.
Akoresha n'itorero,
Yumva n'amasengesho yacu.
Tujye tugendana na we,
Tunakore ibyiza.
Tuzaba indahemuka,
Kandi twicishe bugufi.

49 *Dushimishe umutima wa Yehova* (Imigani 27:11)

1. Yehova tuzakumvira
Dukore ibyo ushaka,
Bityo umutima wawe
Tuwushimishe iteka.
2. Umugaragu wizerwa
Avuga ikuzo ryawe.
Atugaburira neza,
Maze akadukomeza.
3. Uduhe umwuka wawe
Dukomeze gushikama,
Bityo umutima wawe
Tuwushimishe iteka.

50

*Isengesho ryanjye
ryo kwiye gurira Imana*

(Matayo 22:37)

1. Yehova ndagukunda,
Nkunda ukuri kwawe.
Nzajya nkuririmbira
Iteka ryose Mwami.
2. Yehova ndakwinginze
Emera ngukorere.
Nguhaye byose Mana,
Nta cyo nakwima Mwami.
3. Yehova nyemerera
Njye ngukorera rwose.
Nifuza buri gihe
Kugushimisha Mwami.

1. Yehova yatuyoboye kuri Kristo

Ngo tumubere abigishwa.

Umucyo wa Yehova

Waratumurikiye

Tugira ukwizera,

Turamwiyegurira.

(INYIKIRIZO)

Twiyeguriye Yehova tubikunze.

We na Kristo turabishimira.

2. Twasenze Yehova tumusezeranya

Ko tuzamwumvira iteka.

Duterwa ibyishimo

No kuba twitirirwa

Izina rya Yehova,

Turitungaza hose.

(Inyikirizo)

1. Yehova ni we waremye
Isanzure ryose,
Iyi si n'ijuru byose,
Ni ibikorwa bye.
Yaduhaye ubuzima,
Tugomba kumenya
Ko akwiriye gusingizwa
No gusengwa wenyine.
2. Na Yesu yabatirijwe
Muri Yorodani
Asezeranya Yehova
Kuzamukorera.
Amaze kuva mu mazi
Yasutsweh' umwuka,
Yiyemeza amaramaje
Gukorera Yehova.
3. Dore turaje Yehova,
Ngo tugusingize.
Twiyanze maze tuguhe
Ubuzima bwacu.
Watanze Umwana wawe
Ngo atwitangire.
Twapfa twabaho, Mana yacu,
Twarakwiyeguriye.

53 *Kwitegura umurimo wo kubwiriza* (Yeremiya 1:17)

1. Bwakeye.
Twiteguye,
Tugiye kubwiriza.
Harasa nabi,
Imvura ni yose.
Uwakwigumira mu rugo
Aryamyeye.

(INYIKIRIZO)

*Icyizere no kwitegura,
Ndetse no gusenga
Biduha imbaraga zose
Dukeneye.
Tujyana n'abamarayika,
Batumwe na Yesu
Kandi hari n'abavandimwe
Dufatanya.*

2. Turangwe
N'ibyishimo
Twirinde gucogora.
Yehova yita
Ku mihati yacu
No ku rukundo tumukunda
Rwimbitse.

(Inyikirizo)

“Iyi ni yo nzira”
(Yesaya 30:20, 21)

1. Hariho inzira

Imwe y’amahoro.
Inzira y’ukuri
Ni yo twigishijwe.
Kristo Yesu ni we
Wayitwigishije,
Kandi tuyisanga muri Bibiliya.

(INYIKIRIZO)

*Ni yo nzira ijya ku buzima.
Nturangare ngo udateshuka.
Yah atwereka iyo nzira,
Ni yo nzira wireba inyuma.*

2. Hariho inzira

Imwe y’urukundo.
Twayeretswe na Yah
Turanamumenya.
Urukundo rwa Yah
Rurangwa n’ubwuzu.
Iyi ni yo nzira
Y’urukundo nyarwo.

(Inyikirizo)

3. Hariho inzira

Imwe y'ubuzima.
Ni yo nzira nziza,
Twasezeranyijwe,
Ni yo y'amahoro,
Ni yo y'urukundo,
Ni yo y'ubuzima,
Shimira Yehova.

(Inyikirizo)

1. Bwoko bwanjye mujye mbere,
Mutangaze Ubwami.
Ntimutinye abanzi.
Mumenyeshe abantu
Ko Umwana wanjye Yesu
Yanesheje Umwanzi,
Ko azaboha Satani,
Abohore imbohe.

(INYIKIRIZO)

*Ntimubatinye na gato,
Nubwo babatoteza.
Nimwizerwa nzabarinda
Nk'imboni yo mu jisho.*

2. Nubwo abantu babanga
Kandi bakabarwanya,
Cyangwa bakabashuka,
Ngo babigarurire,
Bwoko bwanjye mwe gutinya
Ibitotezo byabo.
Abizerwa nzabarinda
Kugeza ku mperuka.

(Inyikirizo)

3. Sinabibagiwe rwose;
Ndacyari kumwe namwe.
Kandi nubwo mwazapfa,
Urupfu ruzavaho.
Rwose ntimukabatinye,
Ntibazabarimbura.
Nimukomeza kwizerwa;
Nzabaha imigisha!

(Inyikirizo)

1. Nyura mu nzira y'ukuri n'ubuzima;
Nta wundi wabigukorera.
Ujye wumvira inama za Yehova
Wizere ibyo avuga.

(INYIKIRIZO)

*Kunda ukuri,
Ukugire ukwawe.
Bizaguhesha
Umunezero
Utangwa na Yehova.*

2. Umwete wawe n'igihe ukoresha
Ukorera Yah n'Ubwami bwe
Bizaguhesha ubuzima bw'iteka,
Burangwa n'umunezero.

(Inyikirizo)

3. Ku Mana turi nk'abana bato cyane,
Twifuza ko ituyobora.
Nitugendana na Yehova Imana,
Azaduha imigisha.

(Inyikirizo)

57 *Tubwirize abantu b'ingeri zose* (1 Timoteyo 2:4)

1. Twe twifuza kwigana Yehova
Ntiturobanure ku butoni.
Yifuza ko bose barokoka,
Kuko yakira abamugana.

(INYIKIRIZO)

Ntarobanura na mba;

Areba mu mutima.

Twe tubwiriza abantu bose.

Kuko twita ku bantu

Turababwira tuti

“Namwe mwaba incuti z’Imana.”

2. icy’ingenzi si ahantu bari
Cyangwa isura baba bafite,
Ahubwo ni umutima wabo;
Ni wo Yehova yitaho cyane.

(Inyikirizo)

3. Yehova yita ku bamugana
Bagatera isi umugongo.
Twifuza ko bose babimenya.
Ni yo mpamvu tubwiriza bose.

(Inyikirizo)

58 *Dushakishe abakunda amahoro*

(Luka 10:6)

1. Yesu yadusabye kubwiriza.

Yatangaje ubutumwa

Ndetse no ku zuba ryinshi.

Yabwirizaga abantu bose.

Yabwirizaga hose

Umunsi ukira.

Natwe tubwiriza bose,

Mu nzira no ku nzu n'inzu

Tuvuga ko turi hafi gukizwa.

(INYIKIRIZO)

Dushakishe

Abikundira amahoro.

Dushakishe

Abakeneye agakiza.

Twifuza ko bose bumva.

2. Dusigaranye igihe gito.
Turitanga kugira ngo
Hagire abarokoka.
Urukundo ni na rwo rutuma
Dufasha abarushye
N'abihebye bose.
Tujya mu migi n'ahandi;
Iyo bemeye ukuri,
Turishima tukagira umwete.

(Inyikirizo)

Dusingize Yehova

(Zaburi 146:2)

1. Dusingize Yah Yehova
Kuko aduha impano nziza.
Dusingize Yah iteka.
Tubwire bose urukundo rwe.
Dutangaze izina rye ryera.
2. Dusingize Yah Yehova,
Kuko atwumva iyo dusenze.
Atwitaho muri byose,
Agakomeza ab'intege nke,
Akanaduha umwuka wera.
3. Dusingize Yah Yehova,
Ni we ukwiriye kwiringirwa.
Aruhura imitima.
Azaha abantu imigisha.
Twese tumusingize twishimye!

1. Iki ni cyo gihe

Cyo kwemerwa n’Imana.

Umunsi w’uburakari

Bwayo uraje.

(INYIKIRIZO)

Tubwirize, tuzikiza

Dukize n’abatwumva.

Nibumvira bazakizwa.

Tubwire bose ukuri k’Ubwami.

2. Hari ubutumwa

Tugomba kwamamaza.

Tubwire bose ngo

“Mwiyunge na Yehova.”

(Inyikirizo)

3. Ni ngombwa, ni ’by’ingenzi

Ko bamenya, bakabaho.

Nimucyo tubigishe

Tubamenyeshe ukuri.

(Inyikirizo)

61 *Mwebwe Bahamya nimujye mbere!*

(Luka 16:16)

1. Abakozi b’Imana biyemeje
Kwamamaza ubutumwa bwiza bwayo.
Nubwo Satani abarwanya,
Bazahatana bahangane na we.

(INYIKIRIZO)

*Ngaho nimujye mbere mwa Bahamya mwe!
Nimwifatanye mu murimo w’Imana,
Muvuga muti “paradizo iraje,
Tugiye kubona imigisha.”*

2. Bagaragu b’Imana tube maso,
Ntidushake kwemerwa n’isi n’abayo.
Twirinde kwanduzwa n’iyi si,
Dukomeze kuba indahemuka.

(Inyikirizo)

3. Ubwami bwa Yehova burarwanywa,
Izina ry’Imana riraharabikwa.
Twe twifatanye mu kuryeza,
Tunaryamamaze mu bantu bose.

(Inyikirizo)

1. Muririmbire Yehova mumusingiza.
Mubwire abantu ibyo azakora.
Mumusingize kuko akomeye cyane.
Imanza ze zose zirakiranuka.

(INYIKIRIZO)

*Ririmba! Iyo ndirimbo nshya.
Singiza Yehova Umwami.*

2. Murangurure muririmbire Imana;
Nimuyisingize ku bw'izina ryayo.
Nimwifatanye n'abandi muyisingize.
Inanga n'impanda nibirangurure.

(Inyikirizo)

3. Ibyo mu nyanja byose nibimusingize.
Ibyaremwe byose nibimusingize.
Ubu butaka n'imigezi nibyishime.
Imisozi yose na yo niririmbe.

(Inyikirizo)

1. Abasenga imana
 Z'ibiti n'amabuye,
 Abo ntabwo bazi
 Imana nyayo.
 Izo mana ntizizi
 Iby'igihe kizaza.
 Ntabwo zifite Abahamya,
 Nta bushobozi zifite.

(INYIKIRIZO)

*Twe turi Abahamya
 Ntidutinya kuvuga
 Iby'Imana y'ubuhanuzi;
 Ubuhanuzi nyabwo.*

2. Izina rya Yehova
 Turyamamaze hose.
 Dutangaze hose
 Ubwami bwa Yah!
 Tubwirize abandi
 Ngo bamenye ukuri
 Na bo bazifatanye natwe,
 Bamusingize bishimye.

(Inyikirizo)

3. Duhamye izina rye,
Rye kongera gutukwa.
Burira ababi,
Maze bihane.
Ababarir' abantu
Bemera kumwumvira,
Bakazabona ibyishimo,
N'ubuzima buhoraho.

(Inyikirizo)

64 *Dukore umurimo w'isarura* (Matayo 13:1-23)

1. Turi mu gihe cy'isarura,
Igihe gishimishije.
Dore imirima ireze
Dusarurane umwete.
Yesu yatanze urugero,
Kandi aratuyobora.
Kuba twifatanya mu murimo
Biradushimisha cyane.
2. Gukunda Imana n'abantu
Bizatuma tubwiriza.
Imperuka iregereje,
Kwigisha birihutirwa.
Kuba dukorana n'Imana,
Biratunezeza cyane.
Tuzakomeza uyu murimo
Kugeza tuwurangije.

Jya mbere!
(Abaheburayo 6:1)

1. Jya mbere, jya mbere, maze ukure!
Wamamaze ubutumwa bwiza bw'Ubwami.
Haranira kunoza umurimo,
Uzagera ku ntego.
Umuntu wese yabwiriza
Nk'uko Yesu yabwirizaga.
Usabe Yehova kugukomeza,
Ushikame mu kuri.
2. Jya mbere, jya mbere, gira ishyaka!
Geza ubutumwa bwiza ku bantu bose.
Singiza Yehova Umwami wacu.
Bwiriza ku nzu n'inzu.
Nubwo uzarwanywa n'abanzi,
Ntibazigere bagukanga.
Bwira abantu ko Ubwami buje
Bugiye gutegeka.

3. Jya mbere, jya mbere, nta kudohoka,
Kuko ufite byinshi ugomba gukora.
Umwuka wera uzakuyobora,
Ugire ibyishimo.
Ukunde abo ubwiriza,
Unabagere ku mutima.
Ufashe bose gutera imbere,
Bakorere Imana.

66 *Dutangaze ubutumwa bwiza* (Ibyahishuwe 14:6, 7)

1. Ukuri k'Ubwami kwari kwarahishwe.
Ubu uko kuri twe twarakumenye.
Kubera ko Yah agira imbabazi,
Yazirikanye imimerere yacu,
Maze atwoherereza Umwana we.
Nyuma y'igihe uwo Mwana yarimitswe.
Yehova yamugeneye umugeni,
Umukumbi muto w'abatoranyijwe.
2. Ubutumwa bwiza bwaramenyekanye.
Yehova ashaka ko tubutangaza.
Abamarayika bifatanya natwe,
Iyo dutangaza ukuri k'Ubwami.
Yaduhaye inshingano ihebuje
Yo kweza izina rye no kumusingiza.
Twishimira kwitirirwa iryo zina,
No gutangaza ubwo butumwa bwiza.

1. Yehova yaravuze ngo

Tubwirize ubutumwa bwiza,
Buri gihe tuvuye, tuvugaga,
Impamvu z’ibyiringiro byacu.

*(INYIKIRIZO)**Tubwirize**Dufashe bose kumva,**Bwiriza.**Imperuka iraje,**Bwiriza.**Fasha aboroheje,**Bwiriza.**Ntucogore!*

2. Tuzahura n’amakuba,

Tuzasuzugurwa n’abatwanga.
Bwiriza mu gihe kigoye.
Jya wiringira Imana yacu.

(Inyikirizo)

3. Tubwirize ubutumwa,

Tubwire abantu ibizaba.
Dutangaze iby’agakiza
Ngo tweze izina rya Yehova.

(Inyikirizo)

1. Tuzakorera Databuja
Umurimo yadushinze.
Azadufasha, adutoze
Gukora uwo murimo.
Abakunda kwiga Bibiliya,
Bo bazamenya ukuri.
Dukore uko dushoboye kose
Turangize uwo murimo.
2. Ibyo wowe uzasarura
Bizaterwa nawe rwose.
Ufashe abo ubwiriza,
Na bo bamenye ukuri.
Ujye ubafasha guhangana
N'ingorane z'iki gihe.
Nibakunda ukuri ubigisha
Bizagukora ku mutima.

69 *Tubwirize ubutumwa bwiza* (2 Timoteyo 4:5)

1. Ngaho tubwirize Ubwami
Muri buri gihugu.
Nidukunde bagenzi bacu,
Dufashe abitonda.
Dukore umurimo wa Yah,
Dutangaze ijambo rye.
Dukomeze uwo murimo,
Dutangaze izina rye.

(INYIKIRIZO)

Tubwirize Ijambo

Ry’Imana hirya no hino.

Tujye mbere, tugume

Mu ruhande rwa Yehova.

2. Twebwe Abakristo bizerwa,
Nitujye mbere twese.
Abakuze n’abato twese
Tugendere mu kuri.
Ubutumwa bwiza bw’Ubwami
Bose bagomba kubwumva.
Yehova aradukomeza;
Ntabwo tugira ubwoba!

(Inyikirizo)

1. Yesu yatweretse uburyo bwiza
Bwo gutangaza ukuri:
Tujye dushakisha abakwiriye
Bafite inyota y'ukuri.
Tujye dusuhuza abo dusanze,
Tubifurize amahoro.
Niba hari bamwe batwamaganye,
Tuzahindukire tugende.
2. Yesu yavuze ko utwakiriye
Azaba amwakiriye.
Ukwiriye ubuzima bw'iteka,
Ni we uzifatanya natwe.
Ntitukibaze ibyo tuzavuga,
Yehova ari kumwe natwe.
Nidutanga igisubizo cyiza,
Tuzafasha abiyoroshya.

1. Twe ngabo za Yehova,
Twumvira Kristo.
Nubwo turwanywa cyane,
Twe twunze ubumwe.
Dukore umurimo,
Nta kudohoka.
Tubwirize bose,
Tutabatinya.

(INYIKIRIZO)

*Twe ngabo za Yehova,
Twunze ubumwe.
Tuvuge twishimye
Ko ategeka.*

2. Twe abakozi ba Yah,
Dushakashaka
Intama zazimiye
Zirimo ziniha.
Twamara kuzibona,
Tukazitaho;
Tukazitumira
Mu Nzu y'Ubwami.

(Inyikirizo)

3. Twe ngabo za Yehova,
Turashikamyeye.
Twiteguye kurwana,
Nta bwoba dufite.
Tugire amakenga,
Ntitudohoke.
Mu bihe by'akaga,
Tuzashikama.

(Inyikirizo)

1. Kera twari twarayobye
Turi mu mwijima mwinshi,
Hanyuma Yah Yehova
Yohereza umucyo we.
Tuzi neza ko ashaka
Ko tumukorera cyane.
Izina ryera rya Yah
Turimenyesha abantu bose.
Tubwiriza ku nzu n'inzu,
Mu mihanda no mu nzira,
Tugafasha abatwumva,
Tukabigisha ukuri.
Twihatira kubwiriza
Ubutumwa bwa Yehova.
Dukore umurimo
Kandi tuzawusohoze neza.

1. Iyo duhamya Ubwami,
Tukakuvuganira,
Hari benshi baturwanya
Kandi bakadusebya.
Gusa ntitubatinya,
Tuzajya tukwiyambaza.
Tugusabye umwuka wawe;
Mana, turawugusabye.

(INYIKIRIZO)

Duhe gushira amanga;

Ntitugire ubwoba.

Tugusabye ubutwari

Tubabwirize bose.

Imperuka iri hafi.

Mu gihe dutegereje,

Duhe gushira amanga,

Mana yacu.

2. Nubwo twagira ubwoba,
Ntuzadutererana.
Tuzi ko uzadufasha,
Ibyo turabyizeye.
Mana ujye ureba
Abadutoteza bose,
Kandi uduhe imbaraga
Maze tukuvuganire.

(Inyikirizo)

74 *Turirimbe indirimbo y'Ubwami!* (Zaburi 98:1)

1. Turirimbe indirimbo y'Ubwami
Isingiza Umuremyi wacu,
Idusaba kuba indahemuka.
Dutumire bose tuvuga ngo

(INYIKIRIZO)

*“Musingize Yah Yehova.
Umwana we ni Umwami!
Muze mwigie indirimbo y'Ubwami,
Musingize izina ry'Imana.”*

2. Muri iyi ndirimbo nshya y'Ubwami,
Dutangaza ko Kristo yimitswe;
Ko havutse irindi shyanga rishya;
Ritumira bose rivuga ngo

(Inyikirizo)

3. Bantu mwese, abicisha bugufi,
Mushobora kuyimenya neza.
Hari benshi bamaze kuyimenya,
Batumira bose bavuga ngo

(Inyikirizo)

1. Ubu abantu batuka
Izina ryera ry'Imana,
Ngo nta rukundo igira,
Bavuga ko itabaho.
Ni nde wayivuganira?
Ni nde uzayisingiza?

(INYIKIRIZO YA 1)

*Mwami, ndi hano untume.
Nzagusingiza iteka.
Ibyo bizampesha ishema.
Mwami, ndi hano ntuma.*

2. Bavuga ko Yah atinda.
Ntabwo baja bamutinya.
Basenga ibishushanyo;
Bakaramya Kayisari.
Ni nde uzababurira
Iby'intambara y'Imana?

(INYIKIRIZO YA 2)

Mwami, ndi hano untume.

Nzababurira nta bwoba.

Ibyo bizampesha ishema.

Mwami, ndi hano ntuma.

3. Abantu barababaye

Kuko ibibi byogeye.

Bakeneye kubwirizwa

Ngo babone ihumure.

Ni nde wabahumuriza

Ngo na bo bagukorere?

(INYIKIRIZO YA 3)

Mwami, ndi hano untume.

Nzabigisha nihanganye.

Ibyo bizampesha ishema.

Mwami, ndi hano ntuma.

1. Wakwiyumva ute

Wagiye mu murimo,
 Nta ko utagize ngo
 Ubwirize bose?
 Wareka Yehova
 Agakora ibindi,
 Ni we uzi abantu
 Bashaka ukuri.

(INYIKIRIZO)

*Kuvuganira Yehova
 Biradushimisha cyane.
 Twifuza kumukorera,
 Iteka n'iteka.*

2. Wakwiyumva ute

Uramutse ugeze
 Ku mitima y'abantu
 Bifuza gukizwa?
 Nubwo bamwe banga,
 Abandi bagashukwa,
 Ntiducika intege
 Mu murimo wacu.

(Inyikirizo)

3. Wakwiyumva ute
Uramutse umenye
Ko Yehova ari we
Ugushyigikiye?
Wagira ishyaka,
Ukabwiriza cyane,
Kuko uyu murimo
Ugiye gusozwa.

(Inyikirizo)

77 *Umucyo umurika mu isi y'umwijima* (2 Abakorinto 4:6)

1. Iyi si y'abantu babi,
Iri mu mwijima.
Ariko ntituri nka bo,
Twabonye umucyo.

(INYIKIRIZO)

*Ubutumwa bwiza
Bumurikira bose
Bakaba mu mucyo.
Bava mu mwijima,
Bagasobanukirwa,
Bakishima.*

2. Bantu mwe nimukanguke,
Igihe cyashize.
Nimwite ku byo tuvuga,
Maze muzabeho.

(Inyikirizo)

78 *'Twigishe ijambo ry'Imana'* (Ibyakozwe 18:11)

1. Abigisha Bibiliya,
Turishima cyane.
Yah aduha imigisha
Tugakora byinshi.
Tuzigana Yesu Kristo
Tubwiriza nka we.
Abo twigisha tubafasha
Gukunda Yehova.
2. Iyo twigisha ukuri,
Dukora n'ibyiza,
Tuba twereka abantu
Ko dukunda Data.
Twiga Ijambo ry'Imana,
Ngo dufashe bose.
Iyo tubwiriza abandi
Tuba twiyigisha.
3. Yehova aduha byose
Ngo twigishe neza.
Iyo dusenga Imana,
Na bwo iratwumva.
Dukunda Ijambo ryayo
Kuko ryiringirwa.
Nidutoza abo twigisha,
Bazamera nkatwe.

1. Twigisha abantu ukuri,
Bakiga bakamenya,
Yehova akabayobora,
Kugira ngo bakure.

(INYIKIRIZO)

*Yehova turagusabye,
Ukomeze kubitaho.
Tubasabiye binyuze kuri Yesu,
Ngo ubahe gushikama.*

2. Dusaba ko ubakomeza,
Mu gihe batotezwa.
Dufashe tujye tubitaho,
Bagire ukwizera.

(Inyikirizo)

3. Bafashe maze bashikame,
Bazabe abizerwa,
Batsinde isiganwa ryabo,
Bumvira bihanganye.

(Inyikirizo)

80

*“Nimusogongere mwibonere
ukuntu Yehova ari mwiza”*

(Zaburi 34:9)

1. Twita ku murimo wacu;
Twishimira kubwiriza.
Twicungurira igihe cyiza,
Ngo tugere kuri benshi.

(INYIKIRIZO)

*Musogongere mubone ko
Yehova ari mwiza.
Kumukorera ni byiza pe!
Bihesha imigisha.*

2. Bakozi b’igihe cyose
Muhishiwe imigisha.
Nimwizera Yah Imana yanyu,
Muzanyurwa muri byose.

(Inyikirizo)

1. Tuzinduka kare, kare butaracya

N'ibitotsi byinshi

Tugasenga, tukitegura.

Duhura n'abantu benshi mu murimo.

Niyo batatwumva

Ntiducika intege rwose.

(INYIKIRIZO)

Ni byo twahisemo;

Twiweguriye Yah

Tuzakora ibyo ashaka.

Tugira ishyaka

Ndetse no mu mvura.

Tugaragaza ko dukunda Yehova.

2. No ku mugoroba izuba rirenga,

Dutaha twishimye

Tugasenga tunezerewe.

Dutura Yehova ibyiza dufite.

Dushima Yehova

Kuko aduha imigisha.

(Inyikirizo)

82 *‘Mureke umucyo wanyu umurike’*

(Matayo 5:16)

1. Yesu yategetse ko tubwiriza,
Ngo tumurikire bose babone.
Ijambo ry’Imana riramurika.
Nimucyo dutangaze umucyo waryo.
2. Ubutumwa bwiza bw’Ubwami bwa Yah,
Bubwirizwa hose ngo bose bumve.
Ibyanditswe ni byo tuzakoresha
Tubwiriza abantu b’ingeri zose.
3. Ibikorwa byiza biramurika,
N’amagambo yacu akamurika.
Gukora ibyiza igihe cyose,
Bizatuma twemerwa n’Imana yacu.

“Ku nzu n’inzu”
(Ibyakozwe 20:20)

1. Tubwirize ku nzu n’inzu,
Tubwirize bose.
Buri mugy, buri rugo,
Intama zigishwe.
Inkuru nziza y’Ubwami,
Yesu yavuze ko
Abasore n’abasaza
Bazayitangaza.
2. Tubwirize ku nzu n’inzu,
Tuvuge ukuri.
Tubwirize abatwumva
Bambaze Yehova.
Tubamenyeshe Yehova
Maze bamwubahe.
Tubwirize ku nzu n’inzu
Bamenye Yehova.
3. Tujye kuri buri rugo
Tubwirize bose.
Uko babyakira kose
Ni bo bahitamo.
Tuzasingiza Yehova,
Tuvuge ukuri.
Tubwiriza ku nzu n’inzu,
Dushaka intama.

1. Yah Yehova adufasha
Guhitamo umurimo
Uzatuma tunezerwa
Mu buzima bwacu bwose.

(INYIKIRIZO)

Twitange, dukore

Ibyo ashaka.

Tugende dufashe abandi

Tubyishimiye.

2. Hari byinshi byo gukora:
Tujya aho dukenewe,
Tukagura umurimo.
Twifuza ko bose bumva.

(Inyikirizo)

3. Twifatanya mu bwubatsi
Tukagira ubuhanga,
Kandi twiga indimi nshya
Ngo tugere kuri bose.

(Inyikirizo)

Twakirane

(Abaroma 15:7)

1. Twakire abaje guterana
Ngo bumve Ijambo ry’Imana.
Bemeye gutumirwa n’Imana,
Ibigisha ukuri ngo bazabeho.
2. Dushimira Imana ku bw’aba
Bavandimwe batuyobora,
Kandi turabakunda by’ukuri.
Duhe ikaze n’abandi baza bose.
3. Yah atumira abantu bose,
Ngo baze bamenye ukuri.
Imana yatwireherejeho.
Nimucyo twakirane tunezerewe.

1. Muze twige ibyerekeye Yehova;
Twinywere amazi y'ubugingo.
Imana yacu iratwigisha.
Ushaka ukuri azigishwa.
2. Tujye twitabira amateraniro
Kugira ngo twigishwe ibyiza,
Tuhabonere umwuka wera,
Dufashwe kugendera mu mucyo.
3. Dukomezwa n'indirimbo turirimba.
Kuzumva birashimisha cyane!
Duteranire hamwe n'abandi
Tube hamwe n'ubwoko bw'Imana.

1. Iyi si dutuyemo yarayobye;
Ntizi inzira z’Imana.
Dukeneye kuyoborwa n’Imana;
Twe nta cyo twakwigezaho.
Duhumurizwa n’amateraniro,
Tukarushaho kwizera.
Adufasha guterana inkunga,
Agatuma twihangana.
Tuzumvira Yehova muri byose,
Dukora ibyo ashaka.
Ibyo twigishwa mu materaniro,
Biradushimisha cyane.
2. Yehova azi ibyo dukeneye;
Tujye twumva inama ze.
Kwihatira guteranira hamwe
Bigaragaza ubwenge.
Twigishwa n’abagabo bashoboye,
Tukagira ukwizera.
Turi mu muryango w’abavandimwe
Badushyigikira cyane.
Uko isi nshya yegereza cyane,
Twitabire guterana.
Ayo materaniro atwigisha
Ubwenge buva ku Mana.

1. Mana, dore duteraniye hamwe,
Twemeye itumira ryawe.
Ijambo ryawe riratuyobora,
Ni ryo soko y'ibyo wigisha.

(INYIKIRIZO)

*Unyigishe kandi unyobore;
Menyesha amategeko yawe,
Ngo ngendere mu nzira y'ukuri,
Nishimire amahame yawe.*

2. Mana, ubwenge ufite ni bwinshi;
Uca imanza zitabera.
Ijambo ryawe ry'agaciro kenshi,
Rihoraho iteka ryose.

(Inyikirizo)

*Tega amatwi, wumvire,
uhabwe imigisha*
(Luka 11:28)

1. Tugaragaze ko twumvira Kristo,
Inyigisho ze zituyobore,
Tuzimenye kandi tujye twumvira,
Ni bwo tuzahabwa imigisha.

(INYIKIRIZO)

Jya wumvira Imana,

Uhabwe imigisha.

Jya utega amatwi wumvire,

Uhabwe imigisha.

2. Nk'uko inzu yubatswe ku rutare
Nta cyabasha kuyihungabanya;
Nitubaho tuyobowe na Kristo,
Nta kintu kizaduhungabanya.

(Inyikirizo)

3. Nk'uko igiti cyo hafi y'amazi
Cyera imbuto mu gihe cyacyo;
Nitwumvira Data tudateshuka
Tuzabaho iteka n'iteka.

(Inyikirizo)

1. Uko duterana inkunga
Yo gukorera Yehova,
Urukundo ruriyongera;
Hakabaho amahoro.
Urukundo rwinshi dufite
Rudufasha kwihangana
N'itorero ryacu ry'ukuri,
Riduha umutekano.
2. Dukomezwa n'ijambo ryiza
Rivuzwe mu gihe cyaryo!
Tubwirwa amagambo nk'ayo
N'incuti zacu zizerwa.
Ni byiza gukorera hamwe
N'abo duhuje intego!
Dushaka uko twafashanya
N'uko twahumurizanya.
3. Uko umunsi wa Yehova
Urushaho kwegereza,
Ni ko tugomba kwihatira
Kujya mu materaniro.
Dukomeze kunga ubumwe,
Mu murimo wa Yehova,
Bityo duterane inkunga
Ngo tube indahemuka.

91 *Imirimo yacu irangwa n'urukundo* (Zaburi 127:1)

1. Dore umunsi mwiza,
Mana turagushimira.
Ntitwabona uko tuvuga
Uko dukunzwe.
Uduha imigisha,
Mu murimo waduhaye.
Tubyemezwa n'iyi nzu nziza
Tukweguriye.

(INYIKIRIZO)

*Aha hantu heza twubatse,
Hazatuma usingizwa.
Mana yacu tuzakumvira, tugukunde
Tunagusenge iteka.*

2. Abantu twakoranye,
Batubereye incuti!
Tuzazirikana iteka
Ubwo bucuti.
Twakoranye mu bumwe,
Bitewe n'umwuka wawe.
Mana imigisha uduha
Ntirondoreka!

(Inyikirizo)

92 *Ahantu hitirirwa izina ryawe* (1 Ngoma 29:16)

1. Yehova kubaka iyi nzu
Byaduhesheje ishema!
Tuyikweguriye twishimye,
Bityo uhabwe ikuzo.
Ibyo dushobora kuguha,
Bisanzwe ari ibyawe.
Dutangana umunezero
Ibintu byose dutunze.

(INYIKIRIZO)

*Tuguhaye aha hantu,
Ngo uhabwe ikuzo.
Twifuza ko uhemera;
Turahakweguriye.*

2. Tuzahora tugusingiza,
Turi aha hantu hawe.
Mana, habwa icyubahiro
N'abiga inzira zawe.
Aha hantu twakubakiye
Tuzahora tuhitaho,
Kuko hazadufasha cyane
Mu murimo wo kwigisha.

(Inyikirizo)

93 *Ha umugisha amateraniro yacu* (Abaheburayo 10:24, 25)

1. Yehova Mana utwumve,
Uduhe umugisha.
Uduhe umwuka wera
Mu gihe duteranye.
2. Twigisha Ijambo ryawe
Tugusenge mu kuri.
Udutoze kubwiriza
No gukunda abandi.
3. Uduhe kunga ubumwe;
Igihe duteranye.
Ibikorwa byacu byose
Biguheshe ikuzo.

94 *Twishimira Ijambo ry’Imana* (Abafilipi 2:16)

1. Yehova, twifuza kugushimira
Ku bw’Ijambo ryawe ryera dufite!
Mana, Ijambo ryawe riratuyobora.
Warariduhaye ngo ritwigishe.
2. Ibyanditswe Byera biracengera;
Bigatahura intego dufite.
Amategeko yawe arakiranuka,
Anatuyobora mu byo dukora.
3. Yehova, Ijambo ryawe ryanditswe
N’abahanuzi bawe bari nkatwe.
Dufashe tukwizere nk’uko utwigisha.
Yehova twifuza kugushimira.

*Umucyo ugenda urushaho
kuba mwinshi*
(Imigani 4:18)

1. Abahanuzi bifuzaga Kristo,
We byiringiro byacu twese,
Kandi Mesiya yagombaga kuza
Akaduhesha agakiza.
Ubu Mesiya yabaye Umwami,
Tubifitiye gihamya.
Kubimenya ni umugisha rwose,
Byifuzwa n'abamarayika!

(INYIKIRIZO)

*Turushaho kumurikirwa;
Tuzagenda mu mucyo.
Ibyo Imana ihishura,
Tubibona neza rwose.*

2. Umugaragu wizerwa twahawe
Aduha ibyokurya byiza.
Umucyo w'ukuri wabaye mwinshi,
Uratumurikira twese.
Intambwe zacu zirahamye rwose,
Ntitugenda mu mwijima.
Dushimira Yah, we soko y'ukuri,
Tuzagenda mu nzira ye.

(Inyikirizo)

96 *Igitabo cy'Imana ni ubutunzi* (Imigani 2:1)

1. Hari 'gitabo cy'amapaji menshi,
Giha abantu ibyiringiro.
Ibirimo bifite imbaraga;
Biha ubuzima abapfuye.
Icyo gitabo cyitwa Bibiliya.
Cyanditswe gihumetswe n'Imana.
Cyanditswe n'abakundaga Imana,
Bayoborwaga n'umwuka wera.
2. Banditse ukuri ku byo yaremye,
Uko yaremye ijuru n'isi,
Ikarema n'umuntu atunganye,
N'ukuntu Paradizo yabuze.
Banavuze iby'umumarayika
Warwanyije ubutware bwayo.
Ibyo byatumye habaho icyaha,
Ariko Yehova azatsinda.

3. Dufite ibyishimo byinshi cyane,
Yehova yimitse Umwana we.
Tubwiriza ababyifuza bose
Bakamenya ubutumwa bwiza.
Icyo gitabo kirimo inkuru
Zidufasha kumenya Imana,
Kinatanga amahoro nyakuri;
Ubutunzi burimo ni bwinshi.

97 *Dutungwa n'Ijambo rya Yehova* (Matayo 4:4)

1. Tubeshwaho na Yehova
Hamwe n'Ijambo rye.
Ntitwatungwa n'ibyokurya
Nta Jambo ry'Imana.
Riduhesha ibyishimo
N'imigisha myinshi.

(INYIKIRIZO)

*Dutungwa n'Ijambo rya Yah
Si 'byokurya gusa.
Ridufasha muri byose
Tukabaho neza.*

2. Iryo Jambo rya Yehova
Ririmo inkuru
Z'abantu b'indahemuka
Bumviye Yehova.
Gusoma inkuru zabo
Biradukomeza.

(Inyikirizo)

3. Kurisoma buri muni

Birahumuriza.

N'iyi turi mu bibazo

Riratuyobora.

Tujye turisoma kenshi

Turizirikane.

(Inyikirizo)

98 *Ibyanditswe byahumetswe n'Imana*

(2 Timoteyo 3:16, 17)

1. Ijambo ry'Imana yacu
Riratumurikira.
Gukora ibyo rivuga
Biduhesha amahoro.
2. Ijambo ry'Imana yacu
Ritwigisha ibyiza.
Ni na ryo rituyobora
Mu murimo wa Yehova.
3. Ijambo ry'Imana yacu
Rituma tuyimenya.
Guhora turisuzuma
Bidufasha gushikama.

99 *Ibihumbi byinshi by'abavandimwe* (Ibyahishuwe 7:9, 10)

1. Abavandimwe ni benshi,
Ibihumbi byinshi,
Bose barashikamye,
Ni indahemuka.
Turi imbaga nini,
Turi benshi cyane.
Duturuka hirya no hino
Tuje gusenga Yah.
2. Abavandimwe ni benshi,
Babwiriza hose
“Ubu butumwa bwiza,”
Ngo bose babwumve.
Nubwo duhangayika,
Turahumurizwa
Ngo dukomeze kwihangana,
Tubone ituze.
3. Abavandimwe ni benshi,
Barindwa n’Imana.
Bibera mu mahoro,
Barayikorera.
Turi imbaga nini,
Ntabwo ducogora.
Turi abakozi b’Imana,
Dukorana na yo.

1. Yehova yakira abantu neza.
Yita kuri bose; ntarobanura.
Aha buri wese imvura n'izuba,
Tukagira umunezero.

Iyo twita ku bantu boroheje
Tuba twigana Yehova Imana.
Yah azatwitura iyo neza yacu;
Ineza nyakuri tugira.

2. Iyo dufasha ababikeneye,
Yehova Imana arabibona.
N'iyo tutabazi tubitaho cyane,
Tukita ku byo bakeneye.

Kimwe na Lidiya, turabakira,
Bakabona amahoro n'ituze.
Yah azirikana abagaragu be
Bagira imbabazi nka we.

1. Ab'isi ntibakundana,
Twe turakundana cyane.
Kuba turangwa n'ubumwe
Biradushimisha.
Kubana mu bumwe
Ni byiza cyane.
Hari byinshi byo gukora
Tuyobowe na Yehova.
Nimucyo tujye twumvira,
Dukorere hamwe.
2. Tujye dusenga mu bumwe
Tugaragaze ineza,
Tunasingize Imana,
Tube mu mahoro.
Tumererwe neza,
Twishime cyane.
Nidukundana by'ukuri
Tuzagira amahoro,
Kandi tuzunga ubumwe
Mu murimo wayo.

102 *'Dufashe abadakomeye'*

(Ibyakozwe 20:35)

1. Dufite intege nke
 Z'uburyo bwinshi.
 Icyakora Yehova
 Aradufasha.
Agira impuhwe,
 Akunda abantu.
 Natwe tugaragaze
 Urwo rukundo.

2. Bamwe baracogora
 Ntibashikame,
 Ariko twabafasha
 Bagakomera.
Abadakomeye
 Data abitaho.
 Nimucyo tubiteho,
 Tunabafashe.

3. Aho guca intege
 Ab'intege nke,
 Tujye tubakomeza,
 Tunabiteho.
Tugire umwete,
 Tubashyigikire.
 Nitubigenza dutyo,
 Bazakomera.

103 *Yehova yaduhaye abungeri* (Abefeso 4:8)

1. Yah yaduhaye abungeri
Bitu ku mukumbi.
Baduha urugero rwiza;
Baratuyobora.

(INYIKIRIZO)

*Yehova aduha impano,
Abagabo bizerwa,
Bitu cyane ku mukumbi we;
Turabakunda cyane.*

2. Abo bungeri batwitaho;
Bayobora neza.
Bavuga amagambo meza,
Iyo badufasha.

(Inyikirizo)

3. Baduha inama z'ubwenge
Ngo tudateshuka.
Tuzajye tuzumvira zose
Tuzikurikize.

(Inyikirizo)

1. Yehova Mana ibabarira,
Uruta imitima yacu.
Mana uduhe umwuka wera
Woroshye agahinda dufite.
2. Data wa twese twaracumuye
Tujya kure y'ikuzo ryawe.
Mana uduhe umwuka wera
Utuyobore mu byo dukora.
3. Iyo twihebye, duhangayitse
Utwongerera imbaraga.
Mana uduhe umwuka wera
Udukomeze, tugukorere.

1. Imana ni urukundo,
Jya ugendana na yo.
Dukunde bagenzi bacu,
Tunakore ibyiza.
Tuzaba tugaragaje
Urukundo rwa Kristo.
Tuzabona ubuzima;
Ubuzima nyakuri.
2. Kunda ukuri n'Imana,
Uzakunda n'abandi.
Yiteguye kudufasha,
Iduha imbaraga.
Urukundo ntirutsindwa;
Rwihanganira byose.
Tujye dukundana cyane,
Dukundane by'ukuri.
3. Reka kugira inzika,
Kandi uyikuremo.
Niwiringira Imana,
Izakwigisha rwose.
Ukunde Imana yawe,
Unakunde abandi.
Tujye twereka abandi
Urukundo nyakuri.

106 *Twitoze kugaragaza urukundo*

(1 Abakorinto 13:1-8)

1. Yehova Mana udufashe
Tugire imico nk'iyawe,
Urukundo ruze imbere
Kuko ruruta indi yose.
Iyo tubuze urukundo
Nta cyo tuba turi cyo rwose.
Tugaragaze urukundo
Mu magambo no mu bikorwa.
2. Urukundo rugira neza,
Rwita ku bantu nta buryarya.
Ntabwo rubiba inzangano;
Rutuma tubabarirana.
Kuba dufite urukundo
Ni byo bituma twihangana.
Niyo twahura n'ibibazo
Ntituzahwema gukundana.

107 *Twigane urukundo rw'Imana* (1 Yohana 4:19)

1. Imana yacu ni yo yadutoje
Gukunda abandi.
Ibyo yakoze byose bitwereka
Urukundo yadukunze.
Yatanze Yesu ngo apfire bose,
Tubabarirwe ibyaha dukora.
Yaradukunze bitagereranywa.
Iyo Mana iradukunda.
2. Nitugendera mu rukundo rwayo
Rw'ukuri iteka
Bizadufasha gukunda abandi,
Buri gihe, muri byose.
Dukunde Data, dukunde n'abandi
Kuko iteka birajyanirana.
Bizadufasha kubabarirana,
Kuko turi abavandimwe.
3. Twunze ubumwe kuko dukundana
Tukaba n'incuti.
Yehova ni we udusaba twese
Kutagira umwiryane.
Muze murebe urukundo rwacu,
Twigishwa na Yah n'Ijambo rye ryera.
Abavandimwe na bo batwibutsa
Urukundo rw'Imana yacu.

*Urukundo rudahemuka
rw'Imana yacu*
(Yesaya 55:1-3)

1. Yehova ufite

Urukundo ruhebuje,
Ni rwo rwatumye uduha
Umwana wawe w'imfura
Kugira ngo tuzabone
Ubuzima buhoraho.

(INYIKIRIZO)

*Abafite inyota
Nimuze mwese munywe
Amazi y'ubugingo,
Atangwa n'Imana.*

2. Yehova ufite

Urukundo ruhebuje.
Warutugaragarije
Uha Yesu gutegeka.
Ubu ni we Mwami wacu,
Ubwami bwe buhoraho.

(Inyikirizo)

3. Yehova dufashe

Natwe tujye dukundana,
Twigishe bose ukuri
Maze na bo bakumvire.
Tubwirize nta gutinya,
Duhumurize abantu.

(Inyikirizo)

109 *Dukundane tubikuye ku mutima*

(1 Petero 1:22)

1. Iyo dukundana cyane,
Tunezeza Umuremyi.
Yah arangwa n'urukundo
Reka tumwigane.
Tujye twereka abantu
Urukundo nyarukundo.
Tujye dukunda abandi
Urukundo nyarwo.

Niba hari ukennye,
Tujye tumufasha twishimye.
Tujye twita ku bandi,
Tubatege amatwi.

Yesu ni we watweretse
Urukundo rwa Yehova.
Natwe turugaragaze.
Urukundo nyakuri
Ruhore raturanga.

110 “Ibyishimo bituruka kuri Yehova”

(Nehemiya 8:10)

1. Ubutumwa bwiza burabwirizwa;

Ni kimwe mu bimenyetso.

Agakiza kacu karegereje;

Gucungurwa biri hafi!

(INYIKIRIZO)

Yehova ni we gihome cyacu,

Turangurure twishimye.

Twishime dufite ibyiringiro,

Twese dusingize Imana.

Yehova ni we gihome cyacu.

Abantu nibamumenye.

Gukomeza gukorera Imana,

Bizaduhesha ibyishimo.

2. Twebwe twese abakunda Yehova

Ntitugomba guceceka.

Duhanike amajwi yacu cyane;

Turirimbire Yehova!

(Inyikirizo)

111 *Impamvu zituma tugira ibyishimo*

(Matayo 5:12)

1. Hari ibintu byinshi cyane

Bidutera ibyishimo:

Abakunda Yehova bose

Bagana umuryango we.

Dufite ibyishimo byinshi

Duheshwa na Bibiliya.

Ubumenyi tuyivanamo,

Buduhesha ukwizera.

Impamvu zituma twishima,

Ziri mu mutima wacu.

Nubwo duhura n'ibibazo,

Yah atuma twihangana.

(INYIKIRIZO)

Yah ni we byishimo byacu,

Akora ibintu byinshi.

Imirimo ye irakomeye,

Agira ubuntu bwinshi!

2. Twishimira ibyo yaremye:
Ijuru, inyanja n'isi;
Kandi mu byo yaremye byose,
Tubona imbaraga ze.
Tubihamya twishimye cyane,
Dutangaza Ubwami bwe.
Tuvuga imigisha yabwo,
Tuyamamaza twishimye.
Ibyishimo by'iteka ryose
Bituri bugufi cyane.
Muri rya juru na ya si nshya,
Tuzagira ibyishimo.

(Inyikirizo)

112 *Yehova ni Imana y'amahoro* (Abafilipi 4:9)

1. Mana y'amahoro,
 Irangwa n'urukundo,
 Uduhe umwuka wera,
 Twere imbuto zawo.
Waduhaye Yesu;
 Ni we utuyobora
Tukaba incuti zawe,
 Tukaba mu mahoro.

2. Ibyanditswe byera
 Ni byo bituyobora
Tukabona urumuri
 Mu mwijima w'iyi si.
Duhe umugisha
 Mu byo dukora byose
Kugeza igihe twese
 Tuzaba mu mahoro.

3. Abagukorera
 Warabakoranyije,
Utuma bunga ubumwe,
 Batangaza Ubwami.
Umwami wimitse
 Azaca intambara,
Tubeho iteka ryose
 Dufite amahoro.

1. Musingize Yehova,
Imana yacu.
Akunda amahoro
Yanga ibibi.
Na Kristo Umwana we
Arayakunda.
Natsinda intambara
Tuzanezerwa.
2. Ntabwo tukirakara
Nta n'intonganya.
Amacumu n'inkota
Twarabiretse.
Dushake amahoro,
Tubabarira.
Tubane amahoro,
Twigana Yesu.
3. Dufite amahoro
Ava ku Mana.
Amategeko yayo
Turayumvira.
Dukunde amahoro
Tuyishimire,
Kugeza amahoro
Aganje hose.

114 “Mukomeze kwihangana” (Yakobo 5:8)

1. Izina rya Yehova
Ni iry’agaciro kenshi.
Yehova yifuza ko
Ryavanwaho igitutsi.
Yagiye yihangana
Igihe kirekire;
Ntiyarambiwe rwose,
Yarategereje.
Ashaka ko abantu
Babona agakiza ke.
Kuba yarihanganye,
Ntibyabaye imfabusa.
2. Kwihangana ni ngombwa
Ngo Imana itwemere.
Bidufasha gutuza,
Biturinda kurakara.
Twihangana bese,
Dufite icyizere.
Ntabwo duhangayika
Ngo duhungabane.
Kimwe n’imico yose
Dukesha umwuka wera,
Kwihangana bituma
Twigana Imana yacu.

*Dushimire Imana
kwihangana kwayo*
(2 Petero 3:15)

1. Yehova Mana ikomeye,
Urakiranuka rwose.
Nubwo ibibi byogeye
Si wowe ubiduteza.
Nubwo benshi bashidikanya
Ntuzatinda kubivanaho.

(INYIKIRIZO)

*Ibyo turabyiringiye,
Kandi turabigushimira.*

2. Imyaka igihumbi yose
Ni nk'umunsi umwe gusa.
Twegereje imperuka
Ntizatinda, iri hafi.
Wifuza ko abanyabyaha
Bihana bakava mu bibi.

(Inyikirizo)

1. Turagushimira Mana yacu
Rwose twamenye ko
Urangwa n'ubwenge n'imbaraga,
Kandi ukagira neza.
2. Kristo asaba abababaye
Kudahangayika.
Umutwaro we ntwaremerye,
Kuko agwa neza cyane.
3. Tuzigana Imana na Kristo
Tunabashimishe.
Tuzihatira kugira neza
Dufasha bagenzi bacu.

1. Yah Yehova, Mana yacu
Uduha imigisha.
Ni wowe udahemuka,
Mu byo ukora byose.
Imbabazi zawe nyinshi,
Ntabwo zigereranywa.
Tuzahora tugusenga
Kandi tugukorere.
2. Yehova waduhisemo
Ngo tujye tukwigana
Mu bikorwa byacu byose
N'igihe tubwiriza.
Inyigisho zawe Mana
Ziradufasha twese.
Uduhe umwuka wera
Ujye utuyobora.
3. Tujye tugirira neza
Abavandimwe bacu,
Tubahoze ku mutima
Tunabiteho cyane.
Mu miryango yacu yose
Ndetse n'aho dutuye,
Mana ujye udufasha
Maze tugire neza.

1. Mana, kubera ko tudatunganye,
Twese tubogamira ku bibi.
Icyaha kitubera umutego
Ngo tutakwizera Mana nzima.

(INYIKIRIZO)

*Twongerere kwizera Mana yacu.
Ujye udufasha muri byose.
Twongerere kwizera dukeneye
Tubashe kuguhesha ikuzo.*

2. Nta wagushimisha atakwizera.
Kwizera guhesha imigisha.
Kwizera kutubera ubwugamo;
Ntidutinya ibiri imbere.

(Inyikirizo)

119 *Tugomba kugira ukwizera*

(Abaheburayo 10:38, 39)

1. Yah yavuganye n'abantu kenshi
Binyuze ku bahanuzi.
Ubu atuvugisha binyuze
Ku Mwana we wizerwa.

(INYIKIRIZO)

*Twe dufite ukwizera.
Kwizera ni ngombwa cyane.
Ukwizera gukomeye
Kuzarinda ubugingo bwacu.*

2. Dushimishwa no kumvira Yesu,
Tugatangaza Ubwami.
Tubwiriza dushize amanga;
Ntiduhisha ukuri.

(Inyikirizo)

3. Ukwizera kwacu kurahamye;
Ntidusubira inyuma.
Twiringira Yehova Imana
Kandi azadukiza.

(Inyikirizo)

120 *Tujye twiyoroshya nka Kristo*

(Matayo 11:28-30)

1. Yesu Kristo arakomeye cyane;
Ni we w'ingenzi mu mugambi wa Yah;
Nyamara ntiyigize umwibone,
Ahubwo yakomeje kwiyoroshya.
2. Mwe mufite ibibaremereye,
Yesu yiteguye kubaruhura.
Azabasubizamo imbaraga,
Kuko yita ku bantu biyoroshya.
3. Yavuze ko 'turi abavandimwe.'
Tujye twicisha bugufi twumvire.
Imana ikunda abagwaneza;
Bazaragwa isi iteka ryose.

121 Duhe umuco wo kumenya kwifata (Abaroma 7:14-25)

1. Mwami Yehova turagukunda;
Ariko duhora dutandukira.
Duhe umuco wo kwifata,
Bityo kamere tuyiganze.
2. Twese duhora tugeragezwa,
Icyaha gihora kitwugarije.
Mana uduhe imbaraga,
Bityo tubashe kugitsinda.
3. Ibyo dukora n'ibyo tuvuga,
Bihore bishimwa mu maso yawe.
Tubeshyirakemo abantu b'indakemwa,
Tujye twifata muri byose.

122 *Dushikame tutanyeganyega!*

(1 Abakorinto 15:58)

1. Amahanga arahangayitse,
Atewe ubwoba n'ibizaba.
Twe tugomba gushikama cyane
Mu murimo w'Imana.

(INYIKIRIZO)

*Tugomba gushikama,
Tukirinda iyi si.
Nitudacogora, Yah azatwitura.*

2. Iyi si yuzuye imitego.
Tugomba gutekereza neza,
Tukanga ibintu bibi byose,
Ni bwo tuzashikama.

(Inyikirizo)

3. Senga Yehova umwiringiye,
Ukore umurimo w'Umwami,
Ubwirize ubutumwa bwiza,
Imperuka iraje.

(Inyikirizo)

*Tugandukire gahunda
yashyizweho n'Imana*
(1 Abakorinto 14:33)

1. Abazi Yehova baratangaza
 Ukuri k'Ubwami bwe bukomeye,
 Bakagandukira na gahunda ye
 Kandi bakomeza kunga ubumwe.

(INYIKIRIZO)

*Tugandukira Imana yacu,
 Nk'uko tubisabwa.
Iraturinda, iradukunda,
 Natwe tukayumvira.*

2. Igisonga hamwe n'umwuka wera
 Bizatuyobora igihe cyose.
 Twese twiyemeze kutadohoka
 Tumenyeshe bose Imana yacu!

(Inyikirizo)

1. Twebwe turi abizerwa,
Turi indahemuka.
Tuzumvira Yah Yehova,
Uwo twiyeguriye.
Inama zose aduha
Duhore tuzumvira.
Arizerwa cyane rwose,
Tuzagumana na we.
2. Tujye tuba abizerwa
Twite ku bavandimwe.
Tubafashe buri gihe,
Tubagirire neza.
Tujye tububaha cyane
Bivuye ku mutima.
Tujye tuba hafi yabo
Twunge ubumwe na bo.
3. Tujye tuba abizerwa
Twumvire abasaza.
Tuzahora tububaha
Tunabagandukire.
Tuzabona imigisha
Ituruka ku Mana.
Nitwumvira Yah Yehova
Tuzaba abantu be.

125 “Hahirwa abanyambabazi”

(Matayo 5:7)

1. Yah agira imbabazi
Abikuye ku mutima.
Adukorera ibyiza,
Aduha ibikenewe.
Abantu bose bihana
Yah arabababarira.
Azi intege nke zacu
Ni yo mpamvu atwitaho.
2. Iyo twakoze icyaha
Tumusaba imbabazi.
Nk’uko Yesu yabivuze,
Dusenga tuvuga tuti
“Mana utubabarire
Natwe turababarira.”
Nitutabika inzika,
Tuzagira amahoro.
3. Iyo tugize impuhwe
Bituma twiga gutanga,
Tutiteze gushimirwa
Ineza yose tugize.
Imana ibona byose
Ni yo izadushimira.
Nitugira imbabazi
Tuzemerwa na Yehova.

126 *Tube maso kandi dushikame*

(1 Abakorinto 16:13)

1. Tube maso dukomere,
 Twianganire byose.
 Tube abagabo nyabo,
 Tuzatsinda nta shiti.
Twumvira Kristo muri byose,
 Kandi turamushyigikira.

(INYIKIRIZO)

*Duhagarare dushikamyeye,
Tugeze ku mperuka!*

2. Dukomeze kuba maso;
 Twumvire Yesu Kristo.
 Umugaragu wizerwa
 Na we tuzamwumvira.
Tujye twumvira abasaza,
 Bita ku mukumbi wa Kristo.

(Inyikirizo)

3. Dukomeze kuba maso
Mu gihe tubwiriza.
Tuzahora tubwiriza
Nubwo bazaturwanya.
Dusingize Imana yacu.
Umunsi wayo uri hafi!

(Inyikirizo)

Uwo ngomba kuba we
(2 Petero 3:11)

1. Uwera Yehova, ndagushimira

Iyi mpano nziza yo kuba turiho.
Ijambo ryawe ni ryo nireberamo;
Ujye umfasha kwireba ntibereye.

Ngusezeranyije kugukorera

Uko bikwiriye; ntabwo nzadohoka.
Mana, jye nzagukorera nishimye,
Kuko nifuza kugushimisha.

Mfasha kwisuzuma, mfasha kumenya

Umuntu wifuza ko naba we koko.
Abo wemera bose uzabitaho;
Nifuza kwibera mu bo wishimira.

*Tujye twihangana
kugeza ku mperuka*
(Matayo 24:13)

1. Ibyo Yah asezeranya
Biradukomeza.
Ibintu byose wamenye
Bifite ishingiro.
Jya uzirikana cyane
Umunsi wa Yehova.
Ntuzatezuke na rimwe,
Nubwo wageragezwa.
2. Rinda urukundo rwawe,
Ntutume rukonja.
N'igihe ugeragejwe,
Jya wihangana cyane.
Uko bizagenda kose,
Ntukagire ubwoba.
Yehova azakurinda,
Ntazagutererana.

3. Ukomeza kwihangana
Ni we uzakizwa.
Azandikwa mu gitabo
Ubudasibangana.
Iyemeze gushikama;
Komeza kwihangana.
Uzemerwa na Yehova,
Kandi uzanezerwa.

(Reba nanone Heb 6:19; Yak 1:4; 2 Pet 3:12; Ibyah 2:4.)

1. Twakora iki

Turi mu bigeragezo?

Twaba nka Yesu

Warangwaga n'icyizere.

Nanone yizeye

Amasezerano.

(INYIKIRIZO)

Nitwihangana cyane

Kandi tukizera,

Urukundo rw'Imana

Ruzatuma dushikama rwose.

2. Nubwo duhora

Twibasirwa n'ibibazo,

Tuzakomeza

Kugira ibyiringiro.

Shikama uzabe

Muri paradizo.

(Inyikirizo)

3. Ntiducogora

Kandi nta nubwo dutinya.

Ntituzigera

Duhemukira Yehova.

Komera, shikama

Uzakizwa vuba.

(Inyikirizo)

130 *Tujye tubabarira abandi* (Zaburi 86:5)

1. Yehova yatanze

Incungu y'Umwana we,
Bityo ngo tubabarirwe,
N'urupfu ruvanweho.
Iyo twihannye by'ukuri,
Aratubabarira.
Izo mbabazi duhabwa,
Tuzikesha incungu.

2. Tuzababarirwa

Nitwigana Imana
Tubabarira abandi
Kandi tukabitaho.
Kwihanganira abandi,
Biradufasha cyane.
Twubahe abavandimwe,
Tunabakunde cyane.

3. Kubabarirana

Tuzajye tubyitoza.
Bizaturinda inzika,
Cyangwa kwanga abandi.
Tujye twigana Yehova,
We wadukunze cyane,
Tubabarire abandi;
Dushimishe Imana.

131 “Icyo Imana yateranyirije hamwe” (Matayo 19:5, 6)

1. Mwe bageni bacu,
Ubu muri umwe.
Mwiyemeje kubana
Mwisunze Imana.

(INYIKIRIZO YA 1)

*Mugabo uzakunde
Umugore wawe.
Abahujwe n’Imana
Ntimukabatanye.*

2. Mwumviye Imana
Mwiga Bibiliya,
None ubu mushaka
Imigisha yayo.

(INYIKIRIZO YA 2)

*Mugore uzakunde
Umugabo wawe.
Abahujwe n’Imana
Ntimukabatanye.*

132

Ubu tubaye umwe

(Intangiriro 2:23, 24)

1. Iri ni ryo gufwa ryanjye
Ubu twembi tubaye umwe.
Yah yampaye umufasha,
Ubaye uwanjye.

Twiteguye imigisha
Ituruka ku Mana yacu.
Mu muryango wacu twembi
Tuzunga ubumwe.

Yehova, tuzagukorera.
Tuzakomeza
Gukundana by'ukuri.

Dukomere ku muhigo
Twaguhigiye Mana yacu.
Yehova tuzagukunda,
Natwe dukundane cyane.

*Dukorere Yehova
mu busore bwacu*
(Umubwiriza 12:1)

1. Twebwe twese abakiri bato
Tujye twumvira Imana yacu.
Iradukunda, ikatwitaho,
Ikaduha n'imirigisha myinshi.
2. Babyeyi dukunda, mutwitaho.
Mudufasha gukora ibyiza
Tugashimwa n'Imana n'abantu,
Tukaba incuti za Yehova.
3. Rubyiruko twibuke Yehova
Tumutire ibyiza dufite,
Turusheho kumukunda cyane,
Tuzashimishe umutima we.

134 *Umurage Imana yahaye ababyeyi* (Zaburi 127:3-5)

1. Umugabo n'umugore,
Iyo bombi babyaye umwana,
Bamwitaho bafatanyije;
Bibuka ko iyo mpano
Yaturutse kuri Yehova,
We Soko y'ubuzima nyakuri.
Anayobora ababyeyi
Akabigisha inzira ze.

(INYIKIRIZO)

*Yabahaye umwana mwiza,
Umurage w'agaciro.
Mumwiteho igihe cyose,
Mumwigisha lbyanditswe.*

2. Amategeko y'Imana
Muyahoze ku mutima wanyu.
Muyigishe abana banyu;
Uwo murage mwahawe.
Mujye muyavuga mugenda,
Muryamye cyangwa muhagurutse,
Wenda bazayazirikana,
Bizabaheshe imigisha.

(Inyikirizo)

135 “Mwana wanjye, gira ubwenge” (Imigani 27:11)

1. Rubyiruko, mumpe umutima wanyu,
Mbone uko nsubiza umwanzi wanjye.
Nimwe mwahisemo kunyiyegurira;
Mwereke bose ko mumpesha ikuzo.

(INYIKIRIZO)

*Mwana wanjye ukundwa cyane,
Ugire ubwenge rwose.
Uzankorere ubishaka,
Uhitemo kunsingiza.*

2. Mwemeye kunyiyegurira mwishimye.
Nimusitara mukagwa, nzabegura.
Uwabagusha uwo ari we wese,
Mumenye ko mbakunda igihe cyose.

(Inyikirizo)

Yehova azaduha
“igihembo kitagabanyije”
 (Rusi 2:12)

1. Yehova Imana azirikana
 Abamukorera bose.
 Azi ko kwitanga kwabo bituma
 Bagira ibyo bigomwa.
 Niba twarasize incuti zacu,
 Yah arabizirikana.
 Yaduhaye abavandimwe beza,
 N’ibyiringiro by’isi nshya.

(INYIKIRIZO)

*Yehova Imana y’urukundo,
 Azaduha imigisha myinshi.
 Duhungire mu mababa ye
 We Mana yizerwa kandi y’ukuri.*

2. Hari ubwo duhura n’ibibazo
 Tukumva biraturenze,
 N’imihangayiko ya buri muni
 Tukumva iremereye.
 Ariko Yehova Imana yacu
 Ni we uduhumuriza.
 Ijambo rye hamwe n’umwuka wera
 Biradukomeza cyane.

(Inyikirizo)

1. Mariya na Sara, Rusi n'abandi,
Bari abagore b'indahemuka.
Bari bariyeguriye Imana.
Bari abagore bizerwa cyane.
Hari ndetse n'abandi bagore,
Nubwo batavuzwe, bakundwaga cyane.
2. Twibuka imico y'abo bagore,
Imico myiza ikundwa na bose:
Ubudahemuka, kugira neza.
Batubereye intangarugero.
Hari n'abandi bashiki bacu
Bafite imico myiza twakwigana.
3. Mwe Bakristokazi, bashiki bacu,
Mukorana ubwitange mwishimye.
Mwicisha bugufi mukaganduka,
Mwemerwa n'Imana, ntimugatinye.
Mana yacu ujye ubarinda,
Ube hafi yabo be kuzacogora.

1. Hari abavandimwe
Bakuze cyane.
Barihangana rwose;
Bagashikama.
Bafite intege nke,
Baba bonyine.
Data, ubakomeze
Be gucogora.

(INYIKIRIZO)

*Data ubibuke,
Barakwizera.
Uhe agaciro
Ibyo bakora.*

2. Abo bantu bakuze
Turabubaha.
Bafite agaciro
Mu maso yawe.
Bigeze kuba bato
Tubizi neza.
Baritangaga cyane,
Batizigamyeye.

(Inyikirizo)

139 *Sa n'ureba isi yabaye nshya* (Ibyahishuwe 21:1-5)

1. Cyo irebe, nanjye ndeba;
Twese turi muri paradizo.
Sa n'ureba aho hantu,
Harangwa n'amahoro menshi.
Iyo si nshya yegereje
Nta babi bazayirangwamo.
Tuzaba turi muri paradizo.
Tuzasingiza Imana turirimba:

(INYIKIRIZO)

*Yehova Mana, wakoze neza!
Byose byagizwe bishya na Kristo.
Turirimba bituvuye ku mutima;
Habwa icyubahiro mu bantu bose.*

2. Cyo irebe, nanjye ndeba;
Sa n'ureba isi yabaye nshya.
Nta rusaku rwumvikana
Rwaduhindisha umushyitsi.
Ibyavuzwe byasohoye.
Ihema rye riri ku bantu.
Ari hafi kuzura abapfuye.
Tuzifatanya na bo mu gushimira:

(Inyikirizo)

1. Ibaze twese hamwe,
Tubana mu mahoro!
Agahinda kashize,
Tubaho twishimye.

(INYIKIRIZO)

*Ririmba wishimye,
Uzabaho neza.
Ubuzima bw'iteka
Buzagushimisha.*

2. Nta muntu uzasaza,
Twese tuzaba bato.
Nta ngorane, kurira,
Habe no gutinya.

(Inyikirizo)

3. Tuzaba dusingiza
Imana turirimba.
Buri muni n'iteka,
Tuzayishimira.

(Inyikirizo)

1. Yehova ni we waremye byose,
Natwe yaraturemye ngo tubeho.
Muremyi wacu utubeshaho.
Ibitangaza byawe birahebuje.

(INYIKIRIZO YA 1)

*Tujye dushimira Imana yacu,
Yaduhaye impano y'ubuzima bwiza.
Ntitwari dukwiye iyo mpano nziza,
Ariko Yehova yarayiduhaye.*

2. Hari abantu batihangana
Bagacika intege, bakiheba.
Ntituri nka bo; dusingiza Yah,
Tumushimira kuba atubeshaho.

(INYIKIRIZO YA 2)

*Tujye dushimira Imana yacu,
Dukunde na bagenzi bacu, tubiteho.
Ntitwari dukwiye iyo mpano nziza,
Ariko Yehova yarayiduhaye.*

142 *Dukomere ku byiringiro byacu* (Abaheburayo 6:18, 19)

1. Twamaze igihe turi mu mwijima,
Tumeze nk'abiruka ku muyaga.
Muri twe nta wakiza mugenzi we,
Kuko turi abanyabyaha.

(INYIKIRIZO)

*Ririmba unezerewe cyane,
Ubwami bw'Imana burategeka!
Bugiye kvanaho ibibi;
Ibyo ni byo bituma dushikama.*

2. Ntabwo turambirwa ngo twibaze byinshi,
Kuko umunsi wa Yah wegereje!
Yehova agiye kutubohora.
Tumusingize turirimba.

(Inyikirizo)

1. Yehova ni we mugenga
W'ibihe ndetse n'iminsi.
Agiye kugaragaza
Ububasha bwe bwinshi.

(INYIKIRIZO)

*Wowe tegereza wihanganye,
Paradizo iri hafi,
Uzabaho wishimye.*

2. Imana yagennye kera
Igihe cyo kuvanaho
Abantu b'abanyabyaha
Ikoresheje Kristo.

(Inyikirizo)

3. Nubwo twese tubabara,
Dutegereje umunsi
Yehova azavanaho
Imibabaro yose.

(Inyikirizo)

1. Abatabona bazareba,
Abatumva na bo bazumva,
Abana na bo banezerwe,
Amahoro abe hose;
Abapfuye na bo bazuke,
Bazabe muri paradizo.

(INYIKIRIZO)

*Haranira iyo migisha,
Maze ubeho iteka.*

2. Isega n'umwana w'intama
Bizarisha mu rwuri rumwe
Biragiwe n'umwana muto,
Bizumvira akajwi ke.
Kurira na byo bizavaho,
Ubwoba na bwo buzashira.

(Inyikirizo)

145 Yehova yadusezeranyije paradizo

(Luka 23:43)

1. Yah Yehova yasabye Kristo

Guhindura isi yose.

Yesu Kristo azavanaho

Urupfu no kubabara.

(INYIKIRIZO)

Paradizo y'isi yose;

Twizeye ko izabaho.

Izazanwa na Mesiya

Abisabwe na Yehova.

2. Twiringiye ko hazabaho

Umuzuko w'abapfuye.

Icyo gihe bazishimira

Kuba muri paradizo.

(Inyikirizo)

3. Kristo Yesu, Umwami wacu

Azazana paradizo.

Dushimire Data wa twese,

Dusingiza izina rye.

(Inyikirizo)

1. Ibimenyetso byerekana neza
Ko Ubwami bw’Imana buganje.
Umwana wayo arategeka,
Ibyo Yah ashaka bizakorwa.

(INYIKIRIZO)

*Dore ihema ry’Imana,
Rizaba hamwe n’abantu.
Nta n’imibabaro izabaho,
Nta rupfu n’indwara bizabaho.
Byose Yah azabigira bishya.
Ibyo turabyizeye.*

2. Twese turebe Yerusalemu nshya,
Umugeni w’Umwana w’Intama.
Atatsw’ amabuye y’agaciro,
Kandi umucyo we ni Yehova.

(Inyikirizo)

3. Uwo murwa ushimishije cyane
Irembo ryawo rirakinguye.
Uzamurikira amahanga
Maze tubone urwo rumuri.

(Inyikirizo)

147 Isezerano ry'ubuzima bw'iteka

(Zaburi 37:29)

1. Twahawe isezerano
Ry'ubuzima bw'iteka.
Abantu b'abagwaneza
Bazaragwa isi.

(INYIKIRIZO)

*Kubaho iteka
Tubiharanire.
Iryo sezerano
Rizasohora.*

2. Paradizo nigarurwa
Twese tuzatunganywa,
Tuyoborwe na Yehova,
Tube mu mahoro.

(Inyikirizo)

3. Agahinda kazashira,
Mu gihe cy'umuzuko.
Hazaba umunezero,
Kurira bishire.

(Inyikirizo)

1. Yehova, koko uri Imana nzima;
Ibikorwa byawe ntibirondoreka.
Abanzi bawe bose bazatsindwa burundu;
Uzabarimbura.

*(INYIKIRIZO)**Yehova arokora abizerwa.**Yehova ni we Gitare gikomeye.**Dutangaza icyubahiro cya Yehova,**Umukiza wacu, dufite ubutwari.*

2. Nkiza kuko ngoswe n'ingoyi z'urupfu,
Umpe imbaraga, ngire ubutwari.
Mana, umva kwinginga kwanjye maze umpishe;
Nkiza Mana yanjye.

(Inyikirizo)

3. Uzahindisha ijwi ryawe nk'inkuba.
Abakwanga bose bazicwa n'ubwoba.
Abagaragu bawe bazishima babonye
Ukuntu ukiza.

(Inyikirizo)

1. Ririmpira Yah. Izina rye rirakomeye.
Abanyegiputa yabaroshye mu nyanja.
Dusingize Yah; ni we Mana Isumbabyose.
Yehova Imana yaranesheje rwose.

(INYIKIRIZO)

*Wowe Mana Isumbabyose,
Kuva kera kose ntuhinduka.
Uzanesha abakwanga bose,
Uzeza izina ryawe.*

2. Yemwe mahanga murwanya Yehova Imana,
Namwe muzakorwa n'isoni nka Farawo.
Muzarimbuka; Harimagedoni iraje;
Ni bwo muzamenya izina rya Yehova.

(Inyikirizo)

150

Shaka Imana ukizwe

(Zefaniya 2:3)

1. Amahanga yose

Arwanya Kristo Yesu.

Ubutegetsu bw'abantu

Bugiye kurangira.

Ubwami bw'Imana

Ni bwo buzahoraho,

Kandi Kristo azarimbura

Abo banzi be bose.

(INYIKIRIZO)

Shaka Yehova ukizwe,

Shaka no gukiranuka.

Jya umwizera,

Umwiringire,

Shyigikira Ubwami bwe.

Na we azakurokoza

Ukuboko kwe.

2. Tubwiriza bose

Ubutumwa bw'Ubwami,
Abantu bagahitamo
Kwemera cyangwa kwanga.

Ibigeragezo

Ntibiduhahamura.
Yah yita ku bantu bizerwa;
Yumva gutaka kwacu.

(Inyikirizo)

1. Ubuzima bumeze nk'igicu
Kitamara kabiri.
Ubuzima bwacu ni bugufi
Dutungurwa n'urupfu.
Twiringiye ko niyo twanapfa
Tuzongera kubaho.

(INYIKIRIZO)

*Abantu bacu bapfuye
Imana irabazi,
Kandi izabazura
Ibyo turabyemera.
Wizere ko bazazuka
Kandi ntushidikanye.
Bazabaho iteka
Maze tubane na bo.*

2. Abakunda Yehova nibapfa,
Ntibazibagirana.
Abapfuye Imana yibuka,
Bazakanguka rwose,
Maze tubane iteka ryose
Dufite ibyishimo.

(Inyikirizo)

Irangiro hakurikijwe itondazina:

- Ahantu hitirirwa izina ryawe 92
Bafashe gushikama 79
Bashiki bacu bizerwa 137
“Byose ndabigira bishya” 146
Data, Mana yanjye, ncuti yanjye 30
‘Dufashe abadakomeye’ 102
Dufite amahoro 113
Duhe gushira amanga 73
Duhe umuco wo kumenya kwifata 121
Duhe umwuka wera 104
Dukomere ku byiringiro byacu 142
Dukorane mu bumwe 101
Dukore umurimo w’isarura 64
Dukorere Yehova mu busore bwacu 133
Dukundane tubikuye ku mutima 109
Dusenge Yehova buri muni 47
Dushakisha abakunda amahoro 58
Dushakisha abakwiriye 70
Dushikame tutanyeganyega! 122
Dushimire Imana
 kwihangana kwayo 115
Dushimishe umutima wa Yehova 49
Dusingize Umwami mushya w’isi 14
Dusingize Yehova 59
Dusingize Yehova Imana yacu! 10
Dutangaze ubutumwa bwiza 66
Dutungwa n’Ijambo rya Yehova 97
Guhishurwa kw’abana b’Imana 27
Ha umugisha amateranirwa yacu 93
“Hahirwa abanyambabazi” 125
Ibihumbi byinshi by’abavandimwe 99
Ibyanditswe byahumetswe n’Imana 98
Ibyaremwe bisingiza Imana 11
“Ibyishimo bituruka kuri Yehova” 110
Ibyo umutima wanjye utekereza 45
“Icyo Imana yateranyirije hamwe” 131
Ifunguro ry’Umwami rya
 nimugoroba 19
Igitabo cy’Imana ni ubutunzi 96
Ijuru ritangaza icyubahiro cy’Imana 6
Ikoreze Yehova umutwaro wawe 33
Imana izabazura 151
Imana izagukomeza 38
‘Imana ni urukundo’ 105
Imico ya Yehova 1
Imigisha tuzabona 144
Imirimo itangaje y’Imana 5
Imirimo yacu irangwa n’urukundo 91
Impamvu zituma tugira ibyishimo 111
Impano y’ubuzima 141
Imvi ni ikamba ry’ubwiza 138
Indirimbo nshya 62
Indirimbo yo kunesha 149
Isengesho ry’umugaragu w’Imana 42
Isengesho ry’uwooroheje 44
Isengesho ryanjye ryo kwiyegurira
 Imana 50
Isengesho ryo gushimira 43
Isezerano ry’ubuzima bw’iteka 147
“Iyi ni yo nzira” 54
Jya mbere! 65
Komeza gushaka mbere na mbere
 Ubwami 21
Korera Yehova 32
Korera Yehova utizigamye 37
Kristo ni we cyitegererezo cyacu 13
“Ku nzu n’inzu” 83
Kwitanga kwa gikristo 52
Kwitegura umurimo wo kubwiriza 53
Menyesha inzira yawe 88
“Mukomeze kwihangana” 114
‘Mureke umucyo wanyu umurike’ 82
“Mwana wanjye, gira ubwenge” 135
Mwebwe Bahamya nimujye mbere! 61
‘Ndi hano ntuma’ 75
Ni jye mwabikoreye 26
Nibumvira bazakizwa 60
Nimusingize Umwana w’Imfura
 wa Yehova! 15

“Nimusogongere mwibonere ukuntu
Yehova ari mwiza” 80
Nimuze muhumurizwe! 87
Ntimukabatinye! 55
Rinda umutima wawe 36
Sa n’ureba isi yabaye nshya 139
Shaka Imana ukizwe 150
Tega amatwi, wumvire, uhabwe
imigisha 89
Tegereza wihanganye 143
Tube incuti za Yehova 28
Tube maso kandi dushikame 126
Uwo ngomba kuba we 127
Tubeho duhuje n’izina ryacu 29
Tubibe imbuto z’Ubwami 68
Tubwirize abantu b’ingeri zose 57
Tubwirize ubutumwa bwiza 69
Tugandukire gahunda yashyizweho
n’Imana 123
Tugendane na Yehova 31
Tugendane na Yehova buri muni 48
Tugendere mu nzira itunganye 34
Tugomba kugira ukwizera 119
Tujye duterana inkunga 90
Tujye ku musozi wa Yehova 24
Tujye tubabarira abandi 130
Tujye twihangana kugeza ku
mperuka 128
Tujye twiyoroshya nka Kristo 120
‘Tumenye neza ibintu by’ingenzi
kurusha ibindi’ 35
Tumenyekanisha ukuri k’Ubwami 72
Turagushimira ku bw’incungu 18
Turakwiringira kandi turakwizera 3
Turi Abahamya ba Yehova! 63
Turi indahemuka 124
Turi ingabo za Yehova! 71
Turirimbe indirimbo y’Ubwami! 74
Tuzabaho iteka 140
Tuzakomeza kwihangana 129
Twagure umurimo 84
Twakira abantu neza 100
Twakirane 85

Tugomba kwigishwa 86
Twigane urukundo rw’Imana 107
‘Twigishe ijambo ry’Imana’ 78
Twiheshe izina ryiza ku Mana 39
Twishimira Ijambo ry’Imana 94
Twitoze kugaragaza urukundo 106
Twiyeziye Imana! 51
“Twongerere ukwizera” 118
Ubu tubaye umwe 132
Ubuzima bw’umupayiniya 81
Ubwami burategeka—Nibuze! 22
“Ubwirize Ijambo” 67
Ukuri kugire ukwawe 56
Umuco wo kugira neza 117
Umuco wo kugwa neza 116
Umucyo ugenda urushaho kuba
mwinshi 95
Umucyo umurika mu isi y’umwijima 77
Umurage Imana yahaye ababyeyi 134
Umutungo w’Imana 25
Umva isengesho ryanjye 41
Uri uwa nde? 40
Urukundo rudahemuka rw’Imana
yacu 108
Wakwiyumva ute? 76
Warakoze Yehova 46
Watanze Umwana wawe ukunda 20
Yehova azaduha “igihembo
kitagabanyije” 136
Yehova Mana ikomeye 12
Yehova ni Imana y’amahoro 112
Yehova ni imbaraga zacu 7
Yehova ni ryo zina ryawe 2
Yehova ni ubuhungiro bwacu 8
Yehova ni umukiza wacu 148
Yehova ni Umwami wacu! 9
“Yehova ni Umwungeri wanjye” 4
Yehova yaduhaye abungeri 103
Yehova yadusezeranyije paradizo 145
Yehova yasutse umwuka
ku Mwana we 16
Yehova yatangiye gutegeka 23
Yesu yakundaga abantu 17